

Xon⁴xi³ qui³chji³-le⁴cho⁴ta⁴hebreos

Ni³na¹ qui³si³chjen¹ je² ʔnti¹-le⁴ nca³ tsa³cja¹cao⁴-na¹

¹ Ni⁴čjin³co²tse³ a³li² c⁷oa⁴cji³ ncjin² c⁷a³ Ni³na¹ tsa³cja¹cao⁴ n⁷ai³jcha¹cjin³-na¹. Qui³si³chjen¹ cho⁴ta⁴ xi³ qui³nchja⁴ya³j³in³-le⁴ n⁷ai³jcha¹cjin³-na¹ t⁷a³ts⁷e⁴. Cja⁴ʔai¹ cja⁴ʔai¹-s⁷in² qui³nchja⁴.

² Je² ni⁴čjin³ xi³ s⁷a⁴ ja³ʔa³to³ Ni³na¹ qui³nchja⁴cao⁴-na¹. Qui³si³chjen¹ je² ʔnti¹-le⁴ nca³ tsa³cja¹cao⁴-na¹. Ni³na¹ tsa³ca³sen¹nta³ je² ʔnti¹-le⁴ nca³ tsjoa¹cjoa⁴tjao²-le⁴ nca³yi³je³. Cao⁴ nca³ je² tsa³c⁷e¹nta³-ni³ je² son³ʔnte³-vi⁴.

³ Ti⁴je²-ni³ Jesucristo xi³ qui³si³c⁷a³tsen³ cjoa⁴je³ya³-le⁴ Ni³na¹. C⁷oa⁴-ti⁴ cjoan³-ni³ Cristo ti⁴je²-ni³ sen¹-le⁴ jo³ cjoan³ Ni³na¹. C⁷oa⁴ je² Cristo va³sen²n⁷ion¹-ni³ nca³yi³je³ cjoa⁴ cao⁴ en¹ xi³ ts⁷e⁴ nca³n⁷ion¹-le⁴. C⁷ia⁴ nca³ je³qui³si³tsje³ je¹-na¹, tsa³c⁷e²jna³t⁷a³-le⁴ ntsja³ nca³ qui²xi⁴ je² xi³ ti¹jna³je³ya³ nc⁷a³jmi³.

⁴ Cristo nqui²sa⁴ ti¹tjon² coan³ cao⁴-ni³ tsa² a²ncje⁴, nca⁴ qui³ts⁷ai²-le⁴ jnco³ jan³ʔain¹ xi³ nqui²sa⁴ nc⁷a³ cao⁴-ni³ tsa² ts⁷e⁴ a²ncje⁴.

Je² ʔnti¹-le⁴ Ni³na¹ nqui²sa⁴ ti¹tjon² coan³ cao⁴-ni³ tsa² a²ncje⁴

⁵ Ni³na¹ a³ c⁷oa⁴qui³tso²-le⁴ a²ncje⁴ jnco³ c⁷a²: Ji³ ni¹³ ʔnti¹-na⁴. Nt⁷ai⁴-vi⁴ ji³ xi³ c⁷oa⁴-s⁷in² ʔnti¹-na⁴

xin³-le²³. Nqui²jnc³c²a²: An³ coan⁴ N²ai³-le⁴, c²oa⁴ je² coan⁴ [?]nti¹na⁴.

6 C²ia⁴ nca³ va³sen¹va³sen³ je² [?]nti¹tjon² i⁴ son³nte³, nqui²jnc³c²a² tso²: Nca³ts²i³ a²ncje⁴-le⁴ Ni³na¹, ca²ta³ve³xcon¹ nca³ je².

7 Xi³ t²a³ts²e⁴ a²ncje⁴ tso²: Je² xi³ c²oa⁴s²in¹ a²ncje⁴-le⁴ nca³ to⁴jo³ espíritu cjoan³, c²oa⁴ je² xi³ c²oa⁴s²in¹ cho⁴nta³-le⁴ nca³ to⁴jo³ ni⁴jen⁴i¹ cjoan³.

8 To⁴nca³ xi³ t²a³ts²e⁴ [?]nti¹-le⁴ tso²: Je² ya¹xi²le⁴-li⁴, Ji³ Ni³na¹, jo³ nca³ntsjai² nca³ntsjai². Je² ni³se³-le⁴ cjoa⁴te¹xo³ma³-li⁴, ni³se³ xi³ ntia⁴qui²xi⁴ y²a³.

9 Coan³tsjoa³chai³ xi³ ntia⁴qui²xi⁴, c²oa⁴ coan³jti³chai³ xi³ ch²ao³ tjin¹. To⁴coi³ Ni³na¹, je² Ni³na¹-li⁴, nqui²sa⁴ n²ion¹ tse³ cjoa⁴tsjoa³ xi³ qui³tsjoa³-li² cao⁴-ni³ tsa² mi²yo⁴-li⁴.

10 C²oa⁴tso²: Ji³, Nai³-na¹, sa³nta³ to²ts²in³-le⁴ cjoa⁴ qui³ni²ntai³ son³nte³, c²oa⁴ nc²a³jmi³ tsa³c²e²nta³-ni³ ntsai⁴.

11 Je² son³nte³ cao⁴ nc²a³jmi³ coi⁴xo⁴ya³, to⁴nca³ ji³ to⁴jo³ coi⁴jna³ntsjai²-ni³. Son³nte³ cao⁴ nc²a³jmi³ coan⁴jchi¹nca³-ni¹ jo³-ni³ tsa² na³jño³.

12 C²oa⁴ cjoa¹xco¹yai³ jo³-ni³ na³jño³jnc³ho³. C²oa⁴-s²in² c²oa⁴ntjai²ya³ jo³-ni³ na³jño³. To⁴nca³ ji³ to⁴jo³ ti⁴ji³-ni³, c²oa⁴ je² no¹-li⁴ a³li² c²ia³ cjoe⁴t²a³.

13 Ni³na¹ a³ c²oa⁴qui³tso²-le⁴ a²ncje⁴ jnc³ c²a²: Ti⁴jnai³ nca³ qui²xi⁴-na⁴, sa³nta³ nca³ je² xi³ jti³que³-li² coa³tio³nquia³ ntso⁴coi³ jo³-ni³ ya¹te³ xi³ vi³ncha³nai²³.

14 A³ tsi² tsa² je² nca³ts²i³ a²ncje⁴ xi³ espíritu xi³ si¹xa¹, xi³ ni²ca³sen¹ nca³ si¹xa¹-le⁴ je² xi³ c²oi⁴cjoa⁴tjao²-le⁴ cjoa⁴vi³tjo³ntjai².

2

Je² cjoa⁴vi³tjo³ntjai² xi³ n[?]ion¹ tse³

¹ Coi³ je²-vi⁴, tj¹in¹ne²-na¹ nca³ nqui²sa⁴ nta³ coa⁴sen²sian³² je² cjoa⁴ xi³ qui³no^{2?}ya², jme¹-ni³ nca³ tsi² tsa² xin² ntia⁴² coan⁴nquin¹-si¹nia³².

² Tsa² coan³qui²xi⁴ je² en¹ xi³ qui³tso² je² a²ncje⁴, c[?]oa⁴ tsa² qui³ts[?]ai²-le⁴ cjoa⁴ñ[?]ain³ xi³ tsa³quin²-le⁴ nca³ts[?]i³ xi³ ts[?]a³ntjai²cjoa⁴, xi³ tsi² qui³si³tjo³son²,

³ jo¹-s[?]in² coi²tjo⁴ntje² nca³ ña¹, tsa² tsi² ma³cjain¹-na¹ cjoa⁴-le⁴ cjoa⁴vi³tjo³ntjai² xi³ n[?]ion¹ tse³. Je² Nai³-na¹ coan³ti¹tjon² nca³ qui³nchja⁴ya³ t[?]a³ts[?]e⁴ je² cjoa⁴vi³tjo³ntjai². Je² xi³ qui³nch[?]oe¹-le⁴, je²-vi⁴ qui³si³qui²xi⁴ya³-na¹.

⁴ Ni³na¹ to⁴jnc³ cao⁴ je² qui³tsjoa³ en¹-le⁴, cao⁴ choa⁴, cao⁴ cjoa⁴xcon¹, c[?]oa⁴ cao⁴ cjoa⁴xcon¹ xi³ cja^{4?}ai¹nca¹ tj¹in¹. C[?]oa⁴ qui³tsjoa³cjoa⁴tjao² je² Espíritu Santo xi³ Ni³na¹ qui³si³c[?]a³vi¹son²-le⁴ jo³-s[?]in² nca³ me³-le⁴.

Jesús nca³jco⁴-le⁴ cjoa⁴vi³tjo³ntjai²

⁵ Nca⁴ tsi² tsa² je² a²ncje⁴ xi³ Ni³na¹ na³nqui³ tsa³c[?]e¹jna³-le⁴ je² son^{3?}nte³ xi³ cjoa^{4?}ai¹, coi³ xi³ cho³va¹-nia¹.

⁶ To⁴nca³ tj¹in¹ xi³ qui³tsjoa³ en¹-le⁴ ya⁴ jnc³ [?]nte³, qui³tso²: Jme¹-ni³ve⁴ chj¹-le⁴ cho⁴ta⁴, nca³ fa^{3?}ai³tsjen³-ni³li² t[?]a³ts[?]e⁴, a³xo⁴ je² [?]nti¹-le⁴ cho⁴ta⁴, nca³ [?]mi³ cho¹tsen³-lai⁴.

⁷ Ji³ c[?]oa⁴-s[?]in² to⁴jnc³ tjo² nqui²sa⁴ na³nqui³ tsa³c[?]e¹jna³-lai⁴ cao⁴-ni³ tsa² je² a²ncje⁴. Qui³ts[?]ai²-lai⁴ cjoa⁴je³ya³ cao⁴ cjoa⁴nc[?]a³ jo³-ni³ tsa² corona-le⁴. C[?]oa⁴ qui³ni²c[?]e¹jna³t[?]ain³-lai⁴ xa¹-le⁴ ntsai⁴.

8 C⁷oa⁴ nca³yi³je³ cjoa⁴ qui³ni²c⁷e¹jna³nqui³-lai⁴ nqui³ntso⁴co⁴. C⁷ia⁴ nca³ na³nqui³ tsa³c⁷e¹jna³-le⁴ nca³yi³je³ cjoa⁴, ni⁴jme³-jin² xi³ tsa³c⁷e¹jna³ xi³ tsi² tsa² na³nqui³ qui³s⁷e³jna²-le⁴ nca³ je². To⁴nca³ to⁴jo³ li²coi³ ⁷ya³² nca³ tjio¹³nqui³-le⁴ nca³ts⁷i³, c⁷oa⁴ nca³yi³je³ cjoa⁴.

9 To⁴nca³ ⁷ya³-nia¹ je² Jesús xi³ qui³ts⁷ai²-le⁴ cjoa⁴je³ya³ cao⁴ cjoa⁴nc⁷a³ jo³-ni³ tsa² corona-le⁴, nca⁴ tsa³cja³⁷a¹ cjoa⁴ñ⁷ain³ nca³ c⁷en³. Je² Jesús xi³ to⁴jnc³ tjo² nqui²sa⁴ na³nqui³ coan³ cao⁴-ni³ tsa² a²ncje⁴, jme¹-ni³ nca³ to⁴cjoa⁴nta³-le⁴ Ni³na¹ qui³sco²t⁷a³-si¹ni³ cjoa⁴vi³ya³ xi³ t⁷a³ts⁷e⁴ nca³ts⁷i³.

10 C⁷oa⁴-s⁷in² tjin¹ nca³yi³je³ xi³ t⁷a³ts⁷e⁴ Ni³na¹. Je² xi³ tsa³c⁷e¹nta³ nca³yi³je³. C⁷oa⁴-s⁷in² tsa³quin²-le⁴ Ni³na¹, c⁷ia⁴ nca³ ja³⁷ai³cao⁴ ncjin² xti³ xi³ v⁷a³cao⁴-le⁴ cjoa⁴je³ya³-le⁴, nca³ ña³qui³ qui³si³jnc³-ni³ cao⁴ cjoa⁴ñ⁷ain³ je² xi³ nca³jco⁴-le⁴ cjoa⁴vi³tjo³ntjai²-le⁴.

11 Je² Jesús xi³ si¹tsje³, c⁷oa⁴ je² cho⁴ta⁴-le⁴ xi³ ti¹ni²tsje³, nca³ts⁷i³ ts⁷e⁴ to⁴jnc³ je² Ni³na¹. Coi³ li²coi³ ma³soa³-le⁴ Jesús nca³ nts⁷e⁴ tso²-le⁴.

12 C⁷oa⁴tso²: Coi³nchja²ya³-ni³le⁴ nts⁷e³ je² jan³⁷ain¹-li⁴, ya⁴jin³-le⁴ cho⁴ta⁴-na⁴ c⁷oa³sje³nta³-le²³.

13 Nqui²jnc³c⁷a² tso²: An³ nta³ n⁷ion¹t⁷a³coan³ nca³je². C⁷oa⁴ nqui²jnc³c⁷a² tso²: Coe⁴-ni³, an³ cao⁴ je² xti³ xi³ qui³tsjoa³-na³ Ni³na¹.

14 To⁴jo³-s⁷in² nca³ je² xti³ qui³s⁷e³-le⁴ yao³ cao⁴ njin¹, c⁷oa⁴-ti⁴s⁷in² qui³s⁷e³-le⁴ nca³ je² xi³ ti⁴coi³-ni³, jme¹-ni³ nca³ si⁴²cje³t⁷a³-si¹ni³, to⁴t⁷a³ts⁷e⁴ cjoa⁴vi³ya³-le⁴, je² xi³ tsa³ca³te¹xo³ma³ cjoa⁴vi³ya³,

xi³ coi³ nai⁴²,

15 c⁷oa⁴ jme¹-ni³ nca³ c⁷oa⁴-s⁷in² si⁴²ca³tio¹ntai¹-ni³ je² xi³ tsa³ca³tio²xcon¹ nca³ qui³tsa³cjon¹-le⁴ cjoa⁴vi³ya³ jo³ tjin¹ ni⁴čhjin³ tsa³ca³tio²con³.

16 Xi³ cjoa⁴qui²xi⁴ Jesús li²coi³ qui³scoe¹ a²ncje⁴ nca³ c⁷oa⁴sje³ntjai², to⁴nca³ qui³scoe¹ ntje⁴-le⁴ Abraham nca³ c⁷oa⁴sje³ntjai².

17 To⁴coi³ nca³ ña³qui³ coan³chjen¹-le⁴ nca³ c⁷oa⁴ cjoan³ jo³ cjoan³ nts⁷e⁴, to⁴nca³yi³je³-ni³ cjoa⁴, jme¹-ni³ nca³ c⁷oa⁴s⁷in² coan⁴-si¹ni³ na⁴⁷mi³ti¹tjon² xi³ tjin¹-le⁴ cjoa⁴ma⁴ta³con², xi³ nta³ si¹tjo³son² nca³yi³je³ jña³-le⁴ xi³ ts⁷e⁴ Ni³na¹, nca³ c⁷oe⁴²chji¹ntjai² je¹-le⁴ cho⁴ta⁴.

18 Jo³-s⁷in² nca³ ti⁴je²-ni³ qui³cho²t⁷a³ nca³ tsa³cja³⁷a¹ cjoa⁴ñ⁷ain³, c⁷oa⁴-ti⁴s⁷in² ma³-le⁴ va³sen¹cao⁴ je² xi³ cho¹t⁷a³-ni³ cjoa⁴ñ⁷ain³.

3

Jesús nqui²sa⁴ tse³ cjoa⁴je³ya³ va³quin²-le⁴ cao⁴-ni³ tsa² Moisés

1 To⁴coi³ nts⁷e³ xi³ tsje³ cjoaon³, jon² xi³ c⁷oa⁴-ti⁴ tsa³cja³⁷a¹j³in³-no³ xi³ t⁷a³ts⁷e⁴ ntia⁴² xi³ ts⁷e⁴ nc⁷a³jmi³, nta³ ti⁴cja³⁷ai³tsjen³jion³ xi³ t⁷a³ts⁷e⁴ je² Cristo Jesús xi³ pa²stro⁴-le⁴, c⁷oa⁴ na⁴⁷mi³ti¹tjon²-le⁴ je² cjoa⁴ xi³ ni²qui²xi⁴ya³nta³-nia¹.

2 Je² xi³ nta³ si¹tjo³son²-le⁴ Ni³na¹ xi³ tsa³c⁷e¹ne²-le⁴ xa¹, jo³-ni³ nca³ c⁷oa⁴-ti⁴s⁷in² qui³s⁷in³ je² Moisés xi³ t⁷a³ts⁷e⁴ cho⁴ta⁴ni³⁷ya³-le⁴ Ni³na¹.

3 Nqui²sa⁴ tse³ cjoa⁴je³ya³ va³quin²-le⁴ Jesús cao⁴-ni³ tsa² Moisés, jo³-s⁷in² nca³ je² xi³ tsa³c⁷e¹nta³

jnco³ nt²ia³ nqui²sa⁴ tjin¹-le⁴ cjoa⁴je³ya³ cao⁴-ni³ tsa² nt²ia³.

⁴ Nca³yi³je³ nt²ia³ tjin¹ jnco³ xi³ v⁷e¹nta³, to⁴nca³ je² xi³ tsa³c⁷e¹nta³ nca³yi³je³, je² Ni³na¹.

⁵ Xi³ cjoa⁴qui²xi⁴ je² Moisés nta³ qui³si³tjo³son² xi³ t⁷a³ts⁷e⁴ nca³ts⁷i³ cho⁴ta⁴ni³ya³-le⁴ Ni³na¹, jo³-ni³ cho⁴nta³, nca³ qui³tsjoa³ en¹-le⁴ t⁷a³ts⁷e⁴ cjoa⁴ xi³ coan⁴scan³-ni³ coi⁴no²cjoa⁴ya³.

⁶ To⁴nca³ Cristo qui³si³tjo³son² jo³-ni³ ?nti¹ xi³ tjin¹ne²-le⁴ nca³ si¹coi²nta⁴-le⁴ cho⁴ta⁴ni³ya³-le⁴ Ni³na¹. Ña¹ nia¹ xi³ coi³ cho⁴ta⁴-le⁴, tsa² sa³nta³ nca³ cjoe⁴t⁷a³ nta³ coi⁴ntoa⁴n⁷ioan¹ je² cjoa⁴n⁷ion¹ta³con²-na¹ c⁷oa⁴ je² cjoa⁴tsjoa³-na¹ xi³ t⁷a³ts⁷e⁴ xi³ cho²ya³-le⁴2.

Tjin¹ cjoa⁴ni²cja¹ya³ xi³ t⁷a³ts⁷e⁴ cho⁴ta⁴-le⁴ Ni³na¹

⁷ Coi³ xi³ c⁷oa⁴tso² Espíritu Santo: Tsa² nt²ai⁴-vi⁴ coi⁴no¹ya²-lao⁴3 jta⁴-le⁴ Ni³na¹,

⁸ a³li² ta²ja³-jin² v⁷e²yo³ ni⁴ma⁴-no³, jo³-ni³ c⁷ia⁴ nca³ tsa³nquin¹ co²ntran⁴-nao¹³ je² ni⁴čhjin³ c⁷ia⁴ nca³ qui³cho²t⁷a³-nao¹³ ya⁴ ?nte³t⁷a³xin²t⁷a³,

⁹ jña³ nca³ qui³sco²t⁷a³-na³ je² n⁷ai³jcha¹cjin³-no³. Qui³sco²t⁷a³-na³, c⁷oa⁴ tsa³ve³ je² xa¹-na⁴ ña³chan² no¹.

¹⁰ Coi³ nca³ c⁷oa⁴-s⁷in² tsa³ca²te⁴jna³jchan¹-le⁴ je² na⁴xi⁴na³nta¹-vi⁴, c⁷oa⁴ qui³xian³: Nca³ntsjai² cjoa⁴fa³ai³tsjen³-le⁴ to⁴xin² fi², c⁷oa⁴ li²coi³ tsa³ve³xcon³ntia⁴²-na⁴.

¹¹ Qui³tsjoa³ ntso⁴va³ cao⁴ cjoa⁴jt³-na⁴: Li²coi³ cjoa⁴7a³s⁷en³ jña³ nca³ tjin¹ cjoa⁴ni²cja¹ya³ xi³ ts⁷an⁴.

12 Ti⁴coi²ntao⁴³ yao³-no³, nts⁷e³, nca³ ni⁴⁷ya³-jin² xi³ jon² xi³ s⁷e³-le⁴ ni⁴ma⁴ts⁷en⁴ xi³ tsi² ma³cjain¹-le⁴, nca³ to⁴xin² coai⁴-le⁴ je² Ni³na¹ xi³ ti¹jna³con³.

13 To⁴sa³ t⁷e²ne²-lao⁴³ xi²nquo⁴³ nca³ nchaon³nchaon³, xi³ to⁴tjen⁴ nca³ nt⁷ai⁴-vi⁴ ʔmi², jme¹-ni³ nca³ ni⁴jnc³-jin² xi³ jon² coan⁴ta²ja³jin³cao⁴-si¹nio³ cjoa⁴ch⁷a¹na⁴cha⁴-le⁴ je¹.

14 Nca⁴ cji³t⁷a³coa⁴² Cristo nca³ c⁷oa⁴-s⁷in² cjoan³², tsa² sa³⁷nta³ nca³ cjoe⁴⁷a³ nta³ coi⁴ntoa⁴n⁷ioan¹ je² cjoa⁴n⁷ion¹ta³con²-na¹ xi³ ti¹tjon² qui³s⁷e³-na¹.

15 To⁴tjen⁴ nca³ c⁷oa⁴tso²: Tsa² nt⁷ai⁴-vi⁴ntai⁴ coi⁴no¹⁷ya²-lao⁴³ jta⁴-le⁴ Ni³na¹, a³li² ta²ja³-jin² v⁷e²yo³ ni⁴ma⁴-no³, jo³-ni³ c⁷ia⁴ nca³ tsa³nquin¹ co²ntran⁴-nao¹³.

16 Tjin¹ c⁷a³ to⁴nca³ li²coi³ nca³ts⁷i³ xi³ tsa³c⁷e¹ts⁷ia⁴ cjoa⁴si³ c⁷ia⁴ nca³ je³qui³nch⁷oe¹. Je²-vi⁴ ts⁷e⁴ je² xi³ cao⁴ Moisés ji³tjo³-ni³ ʔnte³ Egipto.

17 ʔya¹cao⁴ xi³ c⁷oa⁴-s⁷in² coan³jti³-le⁴ ña³chan² no¹. A³ tsi² tsa² cao⁴ je² xi³ tsa³jnqui³ je¹, xi³ yao³-le⁴ qui³tsao³ ya⁴ ʔnte³t⁷a³xin²t⁷a³.

18 C⁷oa⁴ ʔya¹-ni³ xi³ Ni³na¹ qui³tsjoa³-le⁴ en¹-le⁴ nca³ tsi² tsa² cjoa⁴⁷a³s⁷en³ jña³ nca³ tjín¹ cjoa⁴ni²cja¹ya³ xi³ ts⁷e⁴. A³ tsi² tsa² to⁴je² xi³ tsi² tsa² qui³si³tjo³son².

19 C⁷oa⁴-s⁷in² ʔya³-nia¹ nca³ tsi² tsa² coan³ ja³⁷a³s⁷en³ nca⁴ tsi² coan³cjain¹-le⁴.

4

1 Ti⁴⁷a³-ni³ nca³ ti¹jna³-sa³ xi³ Ni³na¹ qui³si³s⁷e³nqui³ nca³ coi⁴tja¹s⁷en³² jña³ nca tjín¹

cjoa⁴ni²cja¹ya³ xi³ ts⁷e⁴, coi⁴jcon¹cha³² tsa² jnco³ xi³ jon² cje³ fi³cho³tjen⁴nqui³-jion²³.

2 C⁷oa⁴²-ti⁴ ña¹ qui³no²cjoa⁴ya³-na¹ en¹ xi³ sin³ xi³ nta³, jo³-ni³ nca³ je², to⁴nca³ li²jme³ chji¹-le⁴ je² xi³ qui³nch⁷oe¹-ve⁴ nca³ tsi² tsa² coan³cjain¹-le⁴ je² xi³ qui³nch⁷oe¹.

3 Vi³tja^{3s7}en³-nia¹ jña³ nca³ tjin¹ cjoa⁴ni²cja¹ya³, ña¹ xi³ je³coan³cjain¹-na¹, jo³-s⁷in² nca³ qui³tso²: Qui³tsjoa³ ntso⁴⁷va³ cao⁴ cjoa⁴jtj³-na⁴ nca³ tsi² cjoa⁴⁷a^{3s7}en³ jña³ nca³ tjin¹ cjoa⁴ni²cja¹ya³ xi³ ts⁷an⁴, nta³ tsa² je³je³t⁷a³ je² xa¹ sa³⁷nta³ nca³ qui³s⁷e³nta³-ni³ son³⁷nte³.

4 Jnco³ c⁷a² c⁷oa⁴-s⁷in² qui³tso² xi³ t⁷a³ts⁷e⁴ ni⁴čjjin³ xi³ ma³ña³to³-ni³: Xi³ ma³ña³to³-ni³ ni⁴čjjin³ qui³si³cja¹ya³ Ni³na¹ nca³ je³coan³ nca³yi³je³ xa¹-le⁴

5 C⁷oa⁴ nqui²jnco³c⁷a² ti⁴ya⁴ qui³tso²: Li²coi³ cjoa⁴⁷a^{3s7}en³ jña³ nca³ tjin¹ cjoa⁴ni²cja¹ya³ xi³ ts⁷an⁴.

6 C⁷oa⁴-s⁷in²ni³ to⁴jo³ tjin¹-ni³ nca³ cjoa⁴⁷a^{3s7}en³ c⁷a³ ya⁴ jña³ nca³ tjin¹ cjoa⁴ni²cja¹ya³, c⁷oa⁴ je² xi³ ti¹tjon² qui³no²cjoa⁴ya³-ni³le⁴ je² en¹ xi³ sin³ xi³ nta³, li²coi³ ja³⁷a^{3s7}en³ nca⁴ tsi² qui³si³tjo³son².

7 Coi³ nca³ nqui²jnco³c⁷a² v⁷e¹choa⁴ jnco³ ni⁴čjjin³, xi³ nt⁷ai⁴-vi⁴ ?mi²-le⁴. Ncjin² ni⁴čjjin³ nca³ coan³scan³-ni³ je² David qui³tso² xi³ t⁷a³ts⁷e⁴, jo³-s⁷in² nca³ tji¹t⁷a³: Nt⁷ai⁴²-vi⁴ntai⁴ tsa² coi⁴no¹⁷ya²-lao⁴³ jta⁴-le⁴ Ni³na¹, a³li² ta²ja³-jin² v⁷e²yo³ ni⁴ma⁴-no³.

8 Tsa² Josué c⁷oa⁴-la²ni³s⁷in² qui³tsjoa³-le⁴ cjoa⁴ni²cja¹ya³ tsa²cai³, Ni³na¹ li²coi³-la⁴ qui³nchja⁴

coan³scan³-ni³ t⁷a³ts⁷e⁴ xi³ nqui²jnc³ ni⁴čhjin³.

⁹ To⁴coi³ to⁴jo³ ti¹jna³-ni³le⁴ na⁴xi⁴na³nta¹-le⁴ Ni³na¹ nqui²jnc³ ni⁴čhjin³ xi³ ma³ ni²cja¹ya³.

¹⁰ To⁴⁷ya³-ni³ve⁴ xi³ c⁷oa⁴-s⁷in² je³ja³⁷a³s⁷en³ cjoa⁴ni²cja¹ya³ xi³ ts⁷e⁴, c⁷oa⁴-ti⁴ je² qui³si³cja¹ya³-ni³ t⁷a³ xa¹-le⁴ jo³-s⁷in² Ni³na¹ qui³si³cja¹ya³-ni³ xi³ t⁷a³ts⁷e⁴.

¹¹ C⁷oe¹nca³n⁷ioan¹ nca³ coi⁴tja¹s⁷en³² cjoa⁴ni²cja¹ya³-ve⁴, jme¹-ni³ nca³ ni⁴⁷ya³-jin² xi³ ti⁴ya⁴ tsao³jⁱⁿ³-ni³ ti⁴coi³-ni³ cjoa⁴ta²ja³jⁱⁿ³-ve⁴.

¹² Je² en¹-le⁴ Ni³na¹ ti¹jna³con³, c⁷oa⁴ n⁷ion¹ si¹xa¹, c⁷oa⁴ nqui²sa⁴ to⁴yao³ cao⁴-ni³ tsa² jnc³ qui⁴cha⁴nts⁷an⁴ xi³ yao³ nca³ jao² nco³, c⁷oa⁴ va³te³jⁱⁿ³ sa³⁷nta³ nca³ si¹xcoa⁴ya³ ja⁴jⁱⁿ³ ni⁴ma⁴-na¹, c⁷oa⁴-ti⁴ sa³⁷nta³ espíritu-na¹, c⁷oa⁴ sa³⁷nta³ xco¹-na¹, c⁷oa⁴ ya⁴jⁱⁿ³ xi¹ne¹ni³nta³-na¹. Va¹sja³ya³ cjoa⁴fa³⁷ai³tsjen³, c⁷oa⁴ jo³-s⁷in² me³-le⁴ si¹xa¹ ni⁴ma⁴-na¹.

¹³ Tsin² xi³ qui³s⁷e³nta³ xi³ tsi² tsa² ʔya³-le⁴ nqui³xcon⁴ Ni³na¹, to⁴nca³ nca³yi³je³ cjoa⁴ tjio¹son²tsen³-ni, c⁷oa⁴ ve³-ni³ xcon⁴ je² xi³ tjⁱⁿ¹ne²-na¹ nca³ c⁷oi⁴-le⁴² coi²nta⁴.

Jesús na⁴⁷mi³ti¹tjon²

¹⁴ To⁴coi³ coi⁴ntoa⁴n⁷ioan¹ je² cjoa⁴ xi³ ni²qui²xi⁴ya³nta³-nia³², nca⁴ tjⁱⁿ¹-na¹ jnc³ na⁴⁷mi³ti¹tjon² xi³ n⁷ion¹ nc⁷a³, xi³ ja³⁷a³s⁷en³ ya⁴ nc⁷a³jmi³, je² Jesús, xi³ ʔnti¹-le⁴ Ni³na¹.

¹⁵ Nca⁴ tsi² tsa² tjⁱⁿ¹-na¹ jnc³ na⁴⁷mi³ti¹tjon² xi³ tsi² tsa² coan⁴-le⁴ coan⁴ma⁴que³-na¹, nca⁴ tsi² tse³ nca³n⁷ion¹ xi³ tjⁱⁿ¹-na¹, to⁴nca³ je² qui³cho²t⁷a³

nca³yi³je³ jo³-s⁷in² nca³ cjoan³², to⁴nca³ li²coi³ qui³s⁷e³-le⁴ je¹.

16 Coi⁴ncha³čhian³-le⁴², tso²c⁷oa⁴, je² xi³ ti¹jna³son² ya¹xi²le⁴-le⁴, xi³ tjⁱⁿ¹-le⁴ cjoa⁴nta³, jme¹-ni³ nca³ chjoe¹-si¹nia³² xi³ ts⁷e⁴ cjoa⁴ma⁴ta³con²-le⁴, c⁷oa⁴ jme¹-ni³ nca³ coan⁴sjai³-si¹ni³na¹ cjoa⁴nta³ xi³ coa⁴sen⁴cao⁴-na¹ c⁷ia⁴ nca³ coan⁴chjen¹-na¹.

5

1 Nca³ts⁷i³ na⁴⁷mi³ti¹tjon² to⁴cho⁴ta⁴-vi⁴ tjo³jⁱⁿ³-ni¹, c⁷oa⁴-s⁷in² ni²qui³ncha¹nta³ xi³ t⁷a³ts⁷e⁴ cho⁴ta⁴ nqui³xcon⁴ Ni³na¹, jme¹-ni³ nca³ tsjoa¹t⁷a³-si¹ni³le⁴ Ni³na¹ cjoa⁴tjao² cao⁴ njin¹ xi³ s⁷e³jten⁴ xi³ t⁷a³ts⁷e⁴ je¹.

2 Je² xi³ ma³tse³-le⁴con³ cho⁴ta⁴ xi³ ma³jnqui³ je¹ nca³ tsi² ma³cho⁴ya³-le⁴, c⁷oa⁴ nca³ xin² ntia⁴² tjio¹ma³, nca⁴ je² c⁷oa⁴-ti⁴ fa³⁷ai³t⁷a³-le⁴ cjoa⁴⁷i³nta³.

3 To⁴jo³-s⁷in² nca³ tsjoa¹t⁷a³ xi³ t⁷a³ts⁷e⁴ je¹-le⁴ cho⁴ta⁴, c⁷oa⁴-ti⁴s⁷in²ni³ tjⁱⁿ¹ne²-le⁴ nca³ tsjoa¹t⁷a³ xi³ t⁷a³ts⁷e⁴ je¹ xi³ ti⁴ts⁷e⁴-ni³.

4 Ni⁴⁷ya³-jⁱⁿ² xi³ ti⁴je² scoe¹-ni³ xa¹nc⁷a³-ve⁴, to⁴je² xi³ Ni³na¹ qui³nchja⁴-le⁴ jo³-ni³ Aarón.

5 C⁷oa⁴-ti⁴s⁷in²ni³ Cristo li²coi³ tsa³c⁷a³sje³je³ya³-ni³ yao³-le⁴, nca³ ti⁴je² coan³-ni³ na⁴⁷mi³ti¹tjon², to⁴nca³ Ni³na¹ tsa³-ca³sen¹nta³ Cristo, c⁷oa⁴qui³tso²-le⁴: Ji³ ni¹³ ʔnti¹-na⁴, ji³ xi³ nt⁷ai⁴ c⁷oa⁴-s⁷in² ʔnti¹-na⁴ xin³-le²³.

6 C⁷oa⁴-ti⁴s⁷in² tso² nqui²jnc³c⁷a²: Ji³ ni¹³ na⁴⁷mi³ xi³ ti¹jna³ nca³ntsjai², jo³-s⁷in² nca³ qui³s⁷e³ne²-le⁴ Melquisedec.

7 C⁷ia⁴ ni⁴čhjin³-le⁴ nca³ ts⁷a³mjen³ i⁴ son³⁷nte³-vi⁴, Cristo tsa³c⁷e¹ts⁷oa³, c⁷oa⁴ qui³si³je¹ nca³n⁷ion¹,

qui³squi³⁷ntia¹. C⁷oa⁴-s⁷in² qui³tsjoa³t⁷a³-le⁴ je²
xi³ coan³-le⁴ ts⁷a³sje³ntjai²-ni³ ya⁴ cjoa⁴vi³ya³.
Qui³t³sa³cjon²que³ nta³ tsa³ve³xcon¹ Ni³na¹, coi³
nca³ qui³no²⁷ya²-ni³le⁴.

8 Nta³ tsa² c⁷oa⁴-s⁷in² ⁷nti¹-le⁴ coan³, to⁴t⁷a³-
le⁴ cjoa⁴ñ⁷ain³ xi³ tsa³c⁷ai²-le⁴ coan³-le⁴ nca³ nta³
qui³si³tjo³son².

9 C⁷ia⁴ nca³ ña³qui³ cjoa⁴qui²xi⁴ je³ji³tjo³son²-le⁴,
c⁷ia⁴ coan³ nai³-le⁴ cjoa⁴vi³tjo³ntjai² nca³ntsjai² xi³
t⁷a³ts⁷e⁴ nca³ts⁷i³ xi³ si¹tjo³son²-le⁴.

10 Ni³na¹ tsa³ca³sen¹ Jesús na⁴⁷mi³ti¹tjon², jo³-s⁷in²
nca³ qui³s⁷e³ne²-le⁴ Melquisedec.

A³li² xin²-jin² ntia⁴² cjoian¹

11 Tse³ tj¹in¹ xi³ to⁴jo³ tj¹in¹-na³jin⁴ nca³
coi⁴no²cjoai⁴-jin⁴ xi³ t⁷a³ts⁷e⁴, c⁷oa⁴ ñ⁷ain³ tj¹in¹
nca³ ni²qui²xi⁴yai³⁴-jin⁴, nca⁴ jon² ñ⁷ain³ no²⁷yao²³.

12 Je³-la⁴ c⁷oa⁴-s⁷in² maestro coaon⁴³ tsa²cai³,
nca⁴ je³co²tse³ coan³cjain¹-no³, to⁴nca³ ma³chjen¹-
no³ nca³ coa⁴co²ya³ nqui²jnco³c⁷a²-no³ jña³-le⁴
cjoa⁴ xi³ ti¹tjon² tsa³c⁷e¹ts⁷ia⁴cao⁴-ni³ je² en¹-le⁴
Ni³na¹. C⁷oa⁴-s⁷in² cji³mao³ jo³-ni³ tsa² xi³ ⁷nti¹, xi³
ma³chjen¹-sa³le⁴ nta¹chi³qui³, a³li²coi³ ma³chjen¹-no³
tso³jmi² xi³ ta²ja³.

13 C⁷oa⁴ nca³ts⁷i³ xi³ c⁷oa⁴-s⁷in² v⁷a³cao⁴t⁷a³-le⁴
nta¹chi³qui³, li²coi³ tjio¹nta³ nca³ coan⁴cho⁴ya³-le⁴
je² en¹ xi³ ña³qui³ cjoa⁴qui²xi⁴, nca³ c⁷oa⁴-s⁷in² ⁷nti¹-
sa³.

14 To⁴nca³ je² tso³jmi² xi³ ta²ja³, coi³ xi³
ma³chjen¹-le⁴ je² xi³ je³coan³jcha¹, xi³ n⁷ion¹
coan³nca³cao⁴-le⁴ je² cjoa⁴fa³⁷ai³tsjen³-le⁴ nca³ ma³-
le⁴ fa³⁷a¹jin³ je² xi³ nta³, c⁷oa⁴ je² xi³ ts⁷en⁴.

6

1 To⁴coi³ si⁴c⁷e¹jna³² je² xi³ ti¹tjon² qui³cho²t⁷a³ya³² xi³ t⁷a³ts⁷e⁴ Cristo, cjoin³ti¹tjoan² jo³ sa³⁷nta³ nca³ coan⁴son²-na¹. Li²coi³ ti⁴cjoin³ ch⁷a²ya³ nqui²jnc³c⁷a²-nia³² je² xi³ ti¹tjon² coan³-na¹ xi³ coi³ cjoa⁴-vi⁴ nca³ qui³ni²c⁷a³ntjai²ya³² cjoa⁴fa³⁷ai³tsjen³-na¹ xi³ t⁷a³ts⁷e⁴ je² xa¹ xi³ tsi² ti⁴ma³chjen¹-jin²ni³, c⁷oa⁴ nca³ coan³cjin¹-na¹ t⁷a³ts⁷e⁴ Ni³na¹.

2 Li²coi³ ti⁴cjoin³ ch⁷a²ya³ nqui²jnc³c⁷a²-nia³² cjoa⁴fa³⁷ai³tsjen³ xi³ ts⁷e⁴ cjoa⁴sa³te¹nta¹, c⁷oa⁴ xi³ ts⁷e⁴ je² cjoa⁴ xi³ va¹jna³son²-le⁴ ntsja³, c⁷oa⁴ xi³ ts⁷e⁴ cjoa⁴fa³⁷a¹ya³-le⁴ xi³ c⁷en³, c⁷oa⁴ xi³ ts⁷e⁴ nca³ c⁷oi⁴-le⁴ cjoa⁴ñ⁷ain³ xi³ s⁷e³jna³ntsjai².

3 Xi³ cjoa⁴qui²xi⁴ c⁷oa⁴s⁷ian⁴² je²-vi⁴, tsa² Ni³na¹ tsjoa¹⁷nte³.

4 Tjin¹ cho⁴ta⁴ xi³ jnc³ c⁷a² coan³cho⁴ya³-le⁴, c⁷oa⁴ qui³sco²t⁷a³ je² cjoa⁴tjao²-le⁴ nc⁷a³jmi³, c⁷oa⁴ ts⁷a³cao⁴t⁷a³-le⁴ xi³ ts⁷e⁴ je² Espíritu Santo.

5 C⁷oa⁴-ti⁴s⁷in²ni³ qui³sco²t⁷a³ je² en¹nta³-le⁴ Ni³na¹, c⁷oa⁴ je² nca³n⁷ion¹-le⁴ xi³ ts⁷e⁴ ni⁴chjin³ xi³ cjoa⁴⁷ai¹.

6 Tsa² je² cho⁴ta⁴-vi⁴ to⁴xin² ntia⁴² qui³, ni⁴jo³-jin²s⁷in² ti⁴coan⁴nta³ya³-ni³, nca³ si⁴²c⁷a³ntjai²ya³ cjoa⁴fa³⁷ai³tsjen³-le⁴. Je² cho⁴ta⁴-vi⁴ nqui²jnc³c⁷a² va¹t⁷a³ cro² ⁷nti¹-le⁴ Ni³na¹ xi³ ti⁴t⁷a³ts⁷e⁴-ni³, c⁷oa⁴ si¹c⁷e¹jna³ son²tsen³-le⁴ Cristo cao⁴ cjoa⁴soa³.

7 Ni³na¹ si¹chi³con³t⁷ain³ je² na³nqui³ xi³ ⁷vi³nca² na³nta¹ xi³ ncjin² c⁷a³ ja³⁷ai³son²-le⁴, c⁷oa⁴ ma³jcha¹ xca⁴ xi³ nta³ xi³ t⁷a³ts⁷e⁴ ⁷ya³-ni³ xi³ si¹tsje³nqui³-le⁴.

8 To⁴nca³ tsa² ma³jcha¹-le⁴ na³⁷ya¹ cao⁴

na³⁷ya¹na³xo¹, li²jme³ chji¹-le⁴, to⁴jo³-ni³ tsa²
na³nqui³cjoa⁴ñ⁷ain³. C⁷oa⁴-s⁷in² cjoe⁴t⁷a³-ni³ nca³
coi⁴ti⁴.

9 Nta³ tsa² c⁷oa⁴-s⁷in² no²cjoai⁴-jin⁴, cho³ya²-
lai²⁴jin⁴ xi³ t⁷a³tsaon⁴³, nca³ jon² xi³ tsjoa³que⁴-no³,
cjoa⁴ xi³ nqui²sa⁴ nta³, c⁷oa⁴ xi³ nqui²sa⁴ va³quin²-le⁴
cjoa⁴vi³tjo³ntjai².

10 Ni³na¹ tjin¹-le⁴ cjoa⁴qui²xi⁴, li²coi³ cha³jin³-le⁴
xa¹-no³ cao⁴ je² cjoa⁴tjao²cha³ xi³ tsen³ tsa³⁷ya³-
ni³no³ xi³ t⁷a³ts⁷e⁴ jan³⁷ain¹-le⁴. Coan³tsen³
cjoa⁴tjao²cha³-ve⁴ nca³ qui³ni²sin³-lao⁴³ je² cho⁴ta⁴-
le⁴ Cristo, c⁷oa⁴ nca³ to⁴jo³ ni²sin³-lao⁴³.

11 To⁴nca³ me³-na³jin⁴ nca³ ti⁴c⁷oa⁴-s⁷in²
si⁴xi¹ti¹yao³ nca³ jnco¹jnco¹ nca³ jon² sa³⁷nta³
nca³ cjoe⁴t⁷a³, jme¹-ni³ nca³ coan⁴jnco³-si¹ni³ je²
xi³ cho³ya²-le⁴².

12 Coi³ cjoa⁴ xi³ me³-na³jin⁴, jme¹-ni³ nca³ tsi² ts⁷e²
ma³-si¹nio³, to⁴nca³ chjen¹nqui³-lao⁴³ je² xi³ s⁷e³-le⁴
cjoa⁴tjao² xi³ qui³ni²s⁷e³nqui³-le⁴ xi³ t⁷a³ts⁷e⁴ nca³
ma³cjain¹-le⁴, c⁷oa⁴ nca³ tse³jta³.

13 C⁷ia⁴ nca³ Ni³na¹ qui³si³s⁷e³nqui³-le⁴ Abraham,
ti⁴je² qui³tsjoa³-ni³ xi³ ti⁴ts⁷e⁴-ni³ en¹-le⁴, nca⁴ li²coi³
coan³ qui³tsjoa³ en¹ xi³ to⁴t⁷a³ts⁷e⁴ xi³ cja⁴⁷ai¹ xi³
nqui²sa⁴ nc⁷a³.

14 Qui³tso²: Ña³qui³ cjoa⁴qui²xi⁴ si³chi³con³t⁷ain³-
le²³, c⁷oa⁴ si³ncjin²ya³-le²³.

15 C⁷oa⁴-s⁷in² qui³s⁷e³-le⁴ Abraham je² xi³
qui³ni²s⁷e³nqui³-le⁴, nca³ tse³jta³ coan³-le⁴.

16 Cho⁴ta⁴ tsjoa¹ en¹-le⁴ xi³ to⁴t⁷a³ts⁷e⁴ xi³ nqui²sa⁴
nc⁷a³ cao⁴-ni³ tsa² je². C⁷ia⁴ nca³ tsjoa¹ en¹-le⁴ xi³
si¹qui²xi⁴ya³, je²-vi⁴ xi³ si¹cje³t⁷a³ nca³yi³je³ en¹ xi³

cjan¹cao⁴.

17 Ni³na¹ coan³me³-le⁴ nca³ nqui²sa⁴ tse³ tsa³ca³co¹son²tsen³-le⁴ je² xi³ s⁷e⁴-le⁴ cjoa⁴tjao² xi³ qui³si³s⁷e³nqui³, jo³-s⁷in² nca³ tsi² si¹c⁷a³ntjai²ya³ cjoa⁴fa³⁷ai³tsjen³-le⁴. Qui³si³qui²xi⁴ya³nta³ nca³ ña³qui³ cjoa⁴qui²xi⁴ xi³ qui³tso²,

18 jme¹-ni³ nca³ ña¹ xi³ c⁷oa⁴-s⁷in² tsa³nquin¹ to³ca³ nch⁷oe², n⁷ion¹ tse³ s⁷e⁴-si¹ni³na¹ cjoa⁴n⁷ion¹ta³con², nca³ chjoe¹ je² xi³ cho³ya²-le⁴² xi³ nchoa¹-na¹. Coi³ cjoa⁴ nca³ Ni³na¹ xi³ tsi² coan³-le⁴ tsa³c⁷e¹nti³so³ jao² c⁷a³ qui³tsjao³ en¹-le⁴ t⁷a³ts⁷e⁴ cjoa⁴ xi³ tsi² ma³ v⁷a³ntjai²ya³.

19 Je² cjoa⁴cho³ya²cao⁴cjoa⁴-vi⁴ xi³ tjin¹-na¹ cjoa⁴qui²xi⁴-ni¹, c⁷oa⁴ si¹c⁷e¹jna³n⁷ion¹ ni⁴ma⁴-na¹ jo³-ni³ tsa² jnco³ qui⁴cha⁴⁷va⁴ xi³ cji³t⁷a³n⁷ion¹, xi³ fa³⁷a³s⁷en³ nte³tsje³ sa³⁷nta³ jton⁴ na³jño³ xi³ tjen⁴jcho³.

20 Jesús ya⁴ ja³⁷a³s⁷en³ xi³ t⁷a³tsan⁴² jo³-ni³ je² xi³ tjen⁴ ti¹tjon², nca³ coan³ na⁴⁷mi³ti¹tjon² xi³ nca³ntsjai², jo³-s⁷in² qui³s⁷e³ne²-le⁴ Melquisedec.

7

Jo³-s⁷in² nca³ qui³s⁷e³ne²-le⁴ je² na⁴⁷mi³ Melquisedec

1 Je² Melquisedec, xi³ cho⁴ta⁴ti¹tjon² xi³ ts⁷e⁴ Salem, xi³ na⁴⁷mi³-le⁴ Ni³na¹ xi³ nqui²sa⁴ n⁷ion¹ nc⁷a³, qui³sa³te³cjao³ Abraham c⁷ia⁴ nca³ ji³nchoa³-ni³ nca³ qui³si³qui³njen³-le⁴ nca³ts⁷i³ cho⁴ta⁴ti¹tjon², c⁷oa⁴ qui³si³chi³con³t⁷ain³ Abraham.

2 Abraham ti⁴c⁷oa⁴-s⁷in²ni³ qui³tsjao³-le⁴ jnco³ya² xi³ te³ ya³ tjin¹-ni³ ts⁷e⁴ nca³yi³je³ xi³ tjin¹-le⁴. Je²

Melquisedec ti¹tjon² c⁷oa⁴mi²-le⁴ cho⁴ta⁴ti¹tjon² xi³ ts⁷e⁴ cjoa⁴qui²xi⁴, nca⁴ c⁷oa⁴tso²-ni³ jan³ain¹-le⁴. C⁷oa⁴-ti⁴ c⁷oa⁴mi² cho⁴ta⁴ti¹tjon² xi³ ts⁷e⁴ Salem, xi³ tso²-ni³ cho⁴ta⁴ti¹tjon² xi³ ts⁷e⁴ cjoa⁴ xi³ nch⁷an¹ tj¹in¹.

3 Tsin²-le⁴ n⁷ai³-jin², tsin²-le⁴ na⁴-jin², li²coi³ tji¹t⁷a³ jme³ ntje⁴ ji³n³choa³-ni³, tsin²-le⁴ ni⁴čhjin³ti¹tjon²-jin², tsin²-le⁴ ni⁴čhjin³fe³t⁷a³-jin². Coan³nco¹son² cao⁴ Cristo, ⁷nti¹-le⁴ Ni³na¹, nca³ na⁴mi³ xi³ ti¹jna³ntsjai².

4 Ti⁴cja³ai³tsjaon³ tso²c⁷oa⁴, jme¹-si³ to⁴nc⁷a³ coan³-ni³ je²-vi⁴. Nta³ tsa² Abraham xi³ cho⁴ta⁴jchi¹nca³ qui³tsjoa³-le⁴ jnco³ ya² xi³ te³ ya³ tj¹in¹-ni³, ts⁷e⁴ xi³ qui³njen²-le⁴.

5 Xi³ cjoa⁴qui²xi⁴ je² xi³ ts⁷e⁴ xti³-le⁴ Leví xi³ c⁷oa⁴-s⁷in² coan³ na⁴mi³, tj¹in¹-le⁴ cjoa⁴te¹xo³ma³ nca³ scoe¹ jnco³ ya² xi³ te³ ya³ tj¹in¹-ni³ xi³ ts⁷e⁴ cho⁴ta⁴na⁴xi⁴na³nta¹, jo³-s⁷in² v⁷e¹ne² cjoa⁴te¹xo³ma³. Coi³ xi³ tso²-ni³ xi³ ts⁷e⁴ nts⁷e⁴, nta³ tsa² c⁷oa⁴-ti⁴ ya⁴ ji³n³choa³-ni³ ntje⁴-le⁴ Abraham.

6 To⁴nca³ je² Melquisedec xi³ ts⁷e⁴ ntje⁴ xi³ tsi² ma³xqui⁴t⁷a³cao⁴ nca³ je², ts⁷e⁴ Abraham qui³scoe¹-ni³ jnco³ ya² xi³ te³ ya³ tj¹in¹-ni³, c⁷oa⁴ qui³si³chi³con³t⁷ain³ Abraham, je² xi³ tj¹in¹-le⁴ xi³ Ni³na¹ qui³tsjoa³-le⁴ ts⁷oa³.

7 Li²jme³ xi³ jao² tj¹in¹, je² xi³ nqui²sa⁴ nc⁷a³ ti¹jna³ si¹chi³con³t⁷ain³ xi³ na³nqui³ tj¹io¹.

8 Je² ni⁴čhjin³-vi⁴ cho⁴ta⁴cjoa⁴vi³ya³ cjoe¹ jnco³ ya² xi³ te³ ya³ tj¹in¹-ni³, to⁴nca³ je² ni⁴čhjin³-ve⁴ jnco³ xi³ ti¹jna³con³ xi³ qui³scoe¹, nca³ c⁷oa⁴tso² en¹ xi³ t⁷a³ts⁷e⁴.

9 C⁷oa⁴-ti⁴ coan⁴ coi⁴xoan¹, je² Leví xi³ qui³scoe¹ jnco³ ya² xi³ te³ ya³ tjín¹-ni³, c⁷oa⁴-ti⁴ tsa³c⁷e¹chji¹ jnco³ ya² xi³ te³ ya³ tjín¹-ni³ nca³ Abraham tsa³c⁷e¹chji¹ t⁷a³ts⁷e⁴.

10 Leví cje³ tsín³-jin² c⁷ia⁴ nca³ Melquisedec j³tjo³ qui³sa³te³cjao³ Abraham, xi³ n⁷ai³jchi¹nca³-le⁴.

11 Tsa² je² cjoa⁴na⁴⁷mi³-le⁴ Leví ña³qui³ qui³si³jnc³ya³ cho⁴ta⁴ tsa²cai³, (nca³ qui³ts⁷ai²-le⁴ cho⁴ta⁴na⁴xi⁴na³nta¹ je² cjoa⁴te¹xo³ma³ c⁷ia⁴ nca³ coan³ cjoa⁴na⁴⁷mi³-le⁴ Leví), jo¹-s⁷in² coan³chjen¹-sa³ nca³ qui³sa³sen³jna² xi³ cja⁴⁷ai¹ na⁴⁷mi³, jo³-s⁷in² qui³s⁷e³ne²-le⁴ Melquisedec, c⁷ia⁴ nca³ to⁴jo³ qui³si³ncha³nta³ jo³-s⁷in² qui³s⁷e³ne²-le⁴ Aarón.

12 C⁷ia⁴ nca³ v⁷a³ntjai²ya³ je² cjoa⁴na⁴⁷mi³, c⁷oa⁴-ti⁴ ma³chjen¹ nca³ v⁷a³ntjai²ya³ cjoa⁴te¹xo³ma³.

13 Nca³yi³je³ je² cjoa⁴-vi⁴ t⁷a³ts⁷e⁴ Cristo tji¹t⁷a³, to⁴nca³ Cristo nchja⁴-ni³ xi³ cja⁴⁷ai¹ ntje⁴. Ni⁴⁷ya³-jin² xi³ coi³ ntje⁴-ve⁴ qui³si³sin³-le⁴ son²xta².

14 Nca⁴ ⁷ya³-le⁴ nca³ je² Nai³-na¹ qui³tsín³-ni³ ntje⁴-le⁴ Judá. Ni⁴jme³-jin² xi³ qui³nchja⁴ Moisés xi³ t⁷a³ts⁷e⁴ je² ntje⁴-ve⁴ xi³ t⁷a³ts⁷e⁴ cjoa⁴na⁴⁷mi³.

15 Coi³ xi³ nqui²sa⁴ ⁷ya³-sa³le⁴, tsa² sa³sen¹jna³ xi³ cja⁴-⁷ai¹ na⁴⁷mi³ xi³ c⁷oa⁴cjoan³ jo³-ni³ Melquisedec.

16 Coi³ xi³ Cristo, xi³ tsi² tsa² c⁷oa⁴-s⁷in² coan³ na⁴⁷mi³ jo³ tso² cjoa⁴te¹xo³ma³ t⁷a³ts⁷e⁴ ntje⁴-le⁴ cho⁴ta⁴, to⁴nca³ coan³ na⁴⁷mi³ nca⁴ tjín¹-le⁴ nca³n⁷ion¹ xi³ ts⁷e⁴ cjoa⁴vi³jna³chon³ xi³ li²coi³ fi³tson³.

17 C⁷oa⁴tso² en¹ xi³ t⁷a³ts⁷e⁴: Ji³ ni¹³ na⁴⁷mi³ xi³ ti¹jna³ nca³ntsjai², jo³-s⁷in² nca³ qui³s⁷e³ne²-le⁴

Melquisedec.

18 Xi³ cjoa⁴qui²xi⁴ je² cjoa⁴te¹xo³ma³ xi³ ti¹tjon² qui³cha²nqui³, nca⁴ tsin²-le⁴ nca³n⁷ion¹-jin², c²oa⁴ nca⁴ tsi² tsa² ti⁴ma³chjen¹-ni³.

19 Je² cjoa⁴te¹xo³ma³-ve⁴ li²jme³ xi³ qui³si³jnc³, to⁴nca³ ja³a³s⁷en³ je² cjoa⁴cho³ya²cao⁴cjoa⁴ xi³ nqui²sa⁴ nta³, coi³ xi³ si¹qui³ncha²chian³-ni³na¹ Ni³na¹.

20 Je² coi³-vi⁴ li²coi³ c²oa⁴coan³ tsa² tsi² ya³ xi³ qui³tsjoa³ en¹-le⁴.

21 Xi³ cjoa⁴qui²xi⁴ a³li²ya³ xi³ qui³tsjoa³ en¹-le⁴ c²ia⁴ nca³ je² xi³c⁷a³ c²oa⁴-s⁷in² coan³ na⁴mi³, to⁴nca³ c²ia⁴ nca³ je²-vi⁴ coan³ na⁴mi³, Ni³na¹ qui³tsjoa³ en¹-le⁴ nca³ qui³tso²-le⁴: Je² Nai³-na¹ qui³tsjoa³ en¹-le⁴, c²oa⁴ ni⁴c⁷ia³-jin² ti⁴si⁴c⁷o¹fa³ya³-ni³ cjoa⁴fa³ai³tsjen³-le⁴. Ji³ ni¹³ na⁴mi³ xi³ ti¹jna³ nca³ntsjai², jo³-s⁷in² nca³ qui³s⁷e³ne²-le⁴ Melquisedec.

22 C²oa⁴-s⁷in² coan³ nca³ Jesús va³sen²n⁷ion¹-ni³ jnc³ cjoa⁴ xi³ nqui²sa⁴ nta³ xi³ qui³s⁷e³n⁷ion¹.

23 Xi³ cjoa⁴qui²xi⁴ je² xi³c⁷a³ ncjin² na⁴mi³ coan³, nca⁴ li²coi³ coan³chjin³-le⁴, nca³ c²en³-ni¹.

24 To⁴nca³ Cristo, nca⁴ ti¹jna³ntsjai², na⁴mi³ coan³ xi³ tsi² c²ia³ cjoe⁴t⁷a³-le⁴.

25 To⁴coi³ ma³-le⁴ v⁷a³sje³ntjai² nca³ntsjai² je² xi³ t⁷a³ts⁷e⁴ fi³cho¹ nqui³xcon⁴ Ni³na¹, nca⁴ ti¹jna³con³ nca³ntsjai², jme¹-ni³ nca³ v⁷e¹ts⁷oa³ntjai²-si¹ni³ t⁷a³ts⁷e⁴.

26 Nca⁴ tsa³quin²-na¹ jnc³ na⁴mi³ti¹tjon² xi³ c²oa⁴-s⁷in² cjoan³: xi³ tsje³, xi³ tsi²jme³ je¹ tjin¹-le⁴, xi³ tsi² qui³si³jma² ni⁴ma⁴-le⁴, xi³ t⁷a³xin² ti¹jna³-

le⁴ cho⁴ta⁴je¹, xi³ nqui²sa⁴ nc⁷a³ qui³s⁷e³jna³ jo³-ni³
nc⁷a³jmi³,

27 xi³ tsi² ma³chjen¹-le⁴ jo³-ni³ xi³c⁷a³
na⁴⁷mi³ti¹tjon² nca³ nchaon³nchaon³ tsjoa¹t⁷a³-
cjoa²la² cjoa⁴tjao² xi³ t⁷a³ts⁷e⁴ xi³ ti⁴ts⁷e⁴-
ni³ je¹-le⁴, c⁷oa⁴ scan³-ni³ xi³ t⁷a³ts⁷e⁴ je¹-le⁴
cho⁴ta⁴na⁴xi⁴na³nta¹, nca⁴ je²-vi⁴ to⁴jnc³ c⁷a² ntia⁴²
c⁷oa⁴qui³s⁷in³ nca³ ti⁴je² qui³tsjoa³t⁷a³-ni³ yao³-le.

28 Je² cjoa⁴te¹xo³ma³ va³sen¹ cho⁴ta⁴x⁷in⁴ xi³
tsin²-le⁴ nca³n⁷ion¹, jme¹-ni³ nca³ na⁴⁷mi³ti¹tjon²
coan⁴-si¹ni³, to⁴nca³ je² en¹-le⁴ xi³ qui³tsjoa³ Ni³na¹
coan³scan³-ni³ nca³ je² cjoa⁴-te¹xo³ma³, va³sen¹ je²
n⁷nti¹-le⁴ xi³ ña³qui³ tsje³ nca³ntsjai².

8

*Jesús xi³ fa³j³in³-ni³le⁴ cjoa⁴cho⁴tse⁴ xi³
tsa³c⁷e¹n⁷ion¹*

1 Je²-vi⁴ xi³ nqui²sa⁴ n⁷ion¹ ma³chjen¹ xi³ ts⁷e⁴ je²
cjoa⁴-vi⁴ xi³ no²cjoa⁴: Tjin¹-na¹ jnc³ na⁴⁷mi³ti¹tjon²
xi³ tsa³c⁷e²jna³ nca³qui²xi⁴-le⁴ je² ya¹xi²le⁴ xi³ ts⁷e⁴
xi³ je³ya³ ti¹jna³ ya⁴ nc⁷a³jmi³.

2 Je² na⁴⁷mi³ti¹tjon² si¹xa¹ ya⁴ nte³tsje³-ve⁴, c⁷oa⁴
ya⁴ nt⁷ia³na³jño³ xi³ ña³qui³ cjoa⁴qui²xi⁴ xi³ je²
Nai³-na¹ tsa³c⁷e¹nta³, a³li²coi³ cho⁴ta⁴son³⁷nte³
tsa³c⁷e¹nta³.

3 Nca³ts⁷i³ na⁴⁷mi³ti¹tjon² c⁷oa⁴-s⁷in² sa³sen¹,
jme¹-ni³ nca³ tsjoa¹t⁷a³-si¹ni³le⁴ Ni³na¹ cjoa⁴tjao²
cao⁴ njin¹ xi³ s⁷e³jten⁴. Coi³ ma³chjen¹-ni³ nca³
c⁷oa⁴-ti⁴ je²-vi⁴ ca²ta³s⁷e³-le⁴ xi³ tsjoa¹t⁷a³-le⁴ Ni³na¹.

4 C⁷oa⁴-s⁷in² tsa² i⁴ ti¹jna³ i⁴ son³⁷nte³ tsa²cai³,
li²coi³-jin² na⁴⁷mi³ coan⁴, nca⁴ to⁴jo³ tjin¹

na⁴⁷mi³ xi³ tsjoa^{1t}a³ cjoa^{4tjao} jo^{3-s}in² v^{7e}ne²
cjoa^{4te}xo³ma³.

5 Je² na⁴⁷mi^{3-vi} xi³ si¹xa^{1-le} cjoa⁴ xi³ cjen^{3ntia}le⁴²⁻
le⁴, c⁷oa⁴ xi³ jo³⁻ⁿⁱ nc⁷ian^{1-le} cjoa⁴ xi³ tjio¹
nc⁷a^{3jmi}. C⁷ia⁴ nca³ Moisés je^{3me} v^{7e}ts⁷ia^{4cao}
nca³ v^{7e}nta³ nt⁷ia^{3na}ño³, Ni^{3na} c⁷oa^{4qui}tso²⁻
le⁴: Ti⁴coi^{2ntai} nca³ c⁷oa^{4s}iain⁴ nca^{3yi}je³ cjoa⁴
jo^{3-s}in² nca³ tsa^{3ca}co^{1ya}-li² ya⁴ ni^{3nto}-ve⁴.

6 To⁴nca³ nt⁷ai⁴, nqui^{2sa} n⁷ion¹ nta³ je² xa¹ xi³
qui^{3s}e^{3-le} Cristo, nca⁴ je² xi³ fa^{3jin}-le⁴ jnco³ cjoa⁴
xi³ qui^{3s}e³ⁿion¹ xi³ nqui^{2sa} nta³. Coi³ xi³ c⁷oa⁴⁻
s⁷in² qui^{3s}e³ⁿion¹⁻ⁿⁱ cao⁴ xi³ nqui^{2sa} nta³ cjoa⁴
xi³ qui³ⁿⁱs^{7e}nqui³.

7 Tsa² tsi^{2jme} xi³ cha^{3-le}, tsa^{2cai}, je² cjoa⁴ xi³
qui^{3s}e³⁻ⁿion¹ ti^{1tjon}, c⁷ia⁴ cjoa^{4qui}xi⁴ nca³ li^{2coi}
coan^{3chjen} nqui^{2jnco} xi³ ma^{3jao}-ni³.

8 C⁷oa^{4tso} nca³ qui^{3nchja}ti^{3cao}: Coe⁴⁻ⁿⁱ n⁷choa¹
ni⁴chjin³, tso² je² Nai^{3-na}, c⁷ia⁴ nca³ c⁷oe^{3jna}
nqui^{2jnco}c^{7a}-ni^{3le} je² na^{4xi}na^{3nta}-le⁴ Israel,
cao⁴ na^{4xi}na^{3nta}-le⁴ Judá jnco³ cjoa^{4cho}tse⁴.

9 A³li^{2coi} tsa² jo³⁻ⁿⁱ je² cjoa⁴ xi³ tsa^{3c}e³ⁿioan¹³
cao⁴ n⁷ai^{3-le} je² ni⁴chjin³ c⁷ia⁴ nca³ qui^{3scoe}-nia³
ntsa⁴, nca³ tsa^{3c}a^{3sje}-nia³ ya⁴ n⁷te³ Egipto. Je²
li^{2coi} qui^{3tjen}nqui^{3-le} je² cjoa⁴ xi³ tsa^{3c}e³ⁿion¹⁻
nia³, c⁷oa⁴ an³ qui^{3tsjon}con^{3-nia}¹³ nca³ je², tso² je²
Nai^{3-na}.

10 Je² cjoa^{4-vi} xi³ c⁷oe^{3nta}coa⁴ na^{4xi}na^{3nta}-
le⁴ Israel, coan^{4scan}-ni³ nca³ je² ni⁴chjin^{3-ve},
tso² je² Nai^{3-na}: C⁷oe^{3jna}jian³ cjoa^{4fa}ai^{3tsjen}-
le⁴, c⁷oa⁴ squi^{3t}a³ ja^{4jin} ni^{4ma}-le⁴ cjoa^{4te}xo³ma³⁻
na⁴. C⁷oa⁴ an³ coan^{4-le} Ni^{3na}, c⁷oa⁴ je² coan^{4-na}³

na⁴xi⁴na³nta¹-na⁴.

11 Ni⁴⁷ya³-jin² xi³ coa⁴co²ya³-le⁴ mi²yo⁴-le⁴, c²oa⁴ ni⁴⁷ya³-jin² xi³ coa⁴co²ya³-le⁴ nts⁷e⁴, nca³ c²oa⁴tso²: Jcha⁴xcoin³ Nai³-na¹. Nca⁴ nca³ts⁷i³ scoe⁴xcon³-na³, je² xi³ jchi¹nca³, c²oa⁴ nta³ tsa² je² xi³ n²ti¹.

12 Nca⁴ an³ si³cha³t⁷a³-le⁴ cjoa⁴ xi³ ch⁷ao³ qui³s⁷in³, c²oa⁴ li²coi³ ti⁴cjoa⁴⁷ai¹tsjen³-ni³na³ je¹-le⁴.

13 C⁷ia⁴ nca³ tso²: Cjoa⁴cho⁴tse⁴, c²oa⁴-s⁷in² v⁷a³sje³jchi¹nca³ je² xi³ qui³s⁷e³n⁷ion¹ ti¹tjon², c²oa⁴ je² xi³ cji³ma³jchi¹nca³, c²oa⁴ xi³ ma³xan⁴ nca³n⁷ion¹-le⁴, je³me³cha³.

9

1 Je² cjoa⁴ xi³ ti¹tjon² qui³s⁷e³n⁷ion¹, c²oa⁴-ti⁴ je² qui³s⁷e³-le⁴ cjoa⁴te¹xo³ma³jo³-s⁷in²ya³xcon¹ Ni³na¹, c²oa⁴ qui³s⁷e³-le⁴ n²te³tsje³ xi³ ts⁷e⁴ i⁴ son³⁷n²te³-vi⁴.

2 Je² nt⁷ia³na³jño³ c²oa⁴-s⁷in² qui³s⁷e³nta³: Je² xi³ ti¹tjon², jña³ nca³ tjio¹ xi³ ti²ya³ l⁷i¹, c²oa⁴ ya¹mi²xa⁴, c²oa⁴ nio⁴xti²la⁴ xi³ ya⁴ tjio¹va³sen³. Je²-vi⁴ xi³ c²oa⁴⁷mi²-le⁴ n²te³tsje³.

3 Jton⁴ je² na³jño³ xi³ tjen⁴jcho³ xi³ ma³jao²-ni³, tsa³c⁷e²jna³ nqui²jnc³ nt⁷ia³na³jño³, je² xi³ c²oa⁴⁷mi²-le⁴ n²te³ xi³ n⁷ion¹ tsje³,

4 jña³ nca³ ti¹jna³ son²xta² taon⁴si³ne² xi³ v⁷e¹nqui³⁷nti³-le⁴ cao⁴xo³nc¹sja³, c²oa⁴ je² ca²xa⁴ xi³ ña³qui³ taon⁴si³ne² xi³ ya³jon³, jña³ ncha³ je² cjoa⁴ xi³ qui³s⁷e³n⁷ion¹, c²oa⁴ jnc³ ti⁴² taon⁴si³ne² jña³ nca³ ncha³ je² nio⁴xti²la⁴ xi³ maná n⁷mi², cao⁴ je² ni³se³-le⁴ Aarón xi³ tsa³c⁷e¹ts⁷en¹, cao⁴ je² la⁴jao⁴ xi³ ts⁷e⁴ cjoa⁴ xi³ qui³s⁷e³n⁷ion¹.

5 C⁷oa⁴ ya⁴ tjio¹son² je² ca²xa⁴-ve⁴ xco¹son²-le⁴ xi³ querubines ⁷mi² xi³ ts⁷e⁴ cjoa⁴je³ya³-le⁴ Ni³na¹, xi³ tsa³ca¹jtsa³son²-le⁴ je² ⁷nte³ jña³ nca³ s⁷e³nta³jín³con³ Ni³na¹. Je² cjoa⁴-vi⁴ li²coi³ ti⁴ma³ni²c⁷a²xqui⁴-sa³ni³ nt⁷ai⁴ nca³ jnco¹jnco¹.

6 C⁷ia⁴ nca³ c⁷oa⁴-s⁷in² je³qui³s⁷e³nta³ nca³yi³je³, je² na⁴⁷mi³ fa³⁷a³s⁷en³ntsjaí² ya⁴ nt⁷ia³na³jño³ xi³ ti¹tjon², nca³ c⁷oa⁴s⁷in¹ xa¹-le⁴ jo³-s⁷in² ⁷ya³xcon¹ Ni³na¹.

7 To⁴nca³ ya⁴ nt⁷ia³na³jño³ xi³ ma³jao²-ni³, je² na⁴⁷mi³ti¹tjon² to⁴je² to⁴jnco³ fa³⁷a³s⁷en³ jnco³ c⁷a² nca³ jnco³ no¹. Li²coi³ fa³⁷a³s⁷en³ tsa² tsi²cao⁴ njin¹, xi³ c⁷oa⁴-s⁷in² tsjoa¹t⁷a³ xi³ ti⁴t⁷a³ts⁷e⁴-ni³, c⁷oa⁴ xi³ t⁷a³ts⁷e⁴ je¹-le⁴ cjoa⁴njion²ta³con²-le⁴ cho⁴ta⁴na⁴xi⁴na³nta¹.

8 C⁷oa⁴-s⁷in² je² Espíritu Santo va³co¹ nca³ to⁴jo³ tsi²coi³ ma³tsen³ je² ntia⁴² xi³ fa³⁷a³s⁷en³-ni³ ⁷nte³tsje³, tjen⁴ nca³ to⁴jo³ ti¹jna³-sa³ je² nt⁷ia³na³jño³ xi³ ti¹tjon².

9 Je²-vi⁴ xi³ ma³nco¹son²cao⁴ ni⁴čhjin³ xi³ nt⁷ai⁴-ntai⁴. C⁷oa⁴-s⁷in² v⁷ai²t⁷a³ cjoa⁴tjao²cao⁴ njin¹ xi³ s⁷e³jten⁴, xi³ tsi² tsa² ma³-le⁴ nca³ si¹qui²xi⁴ cjoa⁴fa³⁷ai³tsjen³-le⁴ je² xi³ c⁷oa⁴-s⁷in² ve³xcon¹.

10 Je² cjoa⁴-vi⁴ c⁷oa⁴s⁷in¹ to⁴t⁷a³ts⁷e⁴ xi³ chi³ne³, c⁷oa⁴ xi³ ⁷yo², c⁷oa⁴ je² xi³ cja⁴⁷ai¹ cja⁴⁷ai¹-s⁷in² sa³ne²jón³. Je²-vi⁴ cjoa⁴te¹xo³ma³ ni¹ xi³ to⁴t⁷a³ts⁷e⁴ je² yao³-na¹, xi³ tjín¹ne²-na¹ sa³⁷nta³ je² ni⁴čhjin³ c⁷ia⁴ nca³ coan⁴ntjai²ya³-nca¹ni³.

11 To⁴nca³ c⁷ia⁴ nca³ ja³⁷ai³ ca³sen¹va³sen³ Cristo xi³ na⁴⁷mi³ti¹tjon²-le⁴ je² cjoa⁴nta³ xi³ cjoa⁴⁷ai¹, ja³⁷a³s⁷en³ je² nt⁷ia³na³jño³ xi³ nqui²sa⁴ n⁷ion¹ nta³,

c⁷oa⁴ xi³ nqui²sa⁴ qui²xi⁴, xi³ tsi² ntsja³ cho⁴ta⁴
coan³nta³-ni³, coi³ xi³ tso²-ni³ nca³ li²coi³ ts⁷e⁴ je²
son³⁷nte³-vi⁴.

12 To⁴jnc³ c⁷a² ntia³ ja³⁷a³s⁷en³ ya⁴ ?nte³tsje³,
a³li²coi³ cao⁴ njin¹-le⁴ cha²to⁴, ni⁴ts⁷e⁴ ncha⁴ja⁴⁷nti¹-
jin², to⁴je² xi³ ti⁴ts⁷e⁴-ni³ njin¹. C⁷oa⁴-s⁷in² qui³s⁷in³
nca³ tsa³c⁷e¹chji¹ntjai² jo³ sa³⁷nta³ nca³ntsjai².

13 Tsa² je² njin¹-le⁴ toro, c⁷oa⁴ xi³ ts⁷e⁴ cha²to⁴,
c⁷oa⁴ je² chao³-le⁴ ncha⁴ja⁴⁷nti¹ chjo³jnti²jon³ je²
cho⁴ta⁴ xi³ jnti¹ cjoan³, tsa² nca³yi³je³ je²-vi⁴ si¹tsje³
yao³-na¹,

14 je² njin¹-le⁴ Cristo a³li² to⁴c⁷oa⁴cji³ nqui²sa⁴
nta³ si¹tsje³-ni³ cjoa⁴fa³⁷ai³tsjen³-no³ xa¹ xi³ ch⁷ao³
tjin¹, jme¹-ni³ nca³ si⁴xa¹-si¹ni³lao⁴³ je² Ni³na¹ xi³
ti¹jna³con³. Cristo ti⁴je² qui³tsjoa^{3t7}a³-ni³le⁴ Ni³na¹
yao³-le⁴ nca³ ña³qui³ tsje³, xi³ to^{4t7}a³ts⁷e⁴ espíritu xi³
ti⁴ts⁷e⁴-ni³ xi³ nca³ntsjai².

15 C⁷oa⁴-s⁷in² to⁴coi³ fa³jin³-ni³le⁴ je² cjoa⁴cho⁴tse⁴
xi³ qui³s⁷e³n⁷ion¹, jme¹-ni³ nca³ je² xi³ qui³no²cjoa⁴-
le⁴ tjoe¹-si¹ni³le⁴ je² cjoa⁴tjao² xi³ nca³ntsjai² xi³
qui³ni²s⁷e³nqui³-le⁴. C⁷oa⁴coan³ je²-vi⁴, nca⁴ je²
cjoa⁴vi³ya³-le⁴ v⁷e¹chji¹ntjai² je² cjoa⁴ts⁷a³ntjai²cjoa⁴-
le⁴ xi³ na³nqui³ tjio¹-le⁴ je² cjoa⁴ xi³ ti¹tjon²
qui³s⁷e³n⁷ion¹.

16 C⁷ia⁴ nca³ tjin¹ cjoa⁴ xi³ qui³s⁷e³n⁷ion¹,
ma³chjen¹ nca³ jcha⁴-cjoa²la²le⁴ tsa² c⁷en³ je² xi³
tsa³ca¹jna³ xon⁴.

17 Je² cjoa⁴ xi³ qui³s⁷e³n⁷ion¹ c⁷oa⁴-s⁷in²
je³ma³chjen¹ c⁷ia⁴ nca³ vi³ya³, nca⁴ ni⁴c⁷ia³-jin²
chji¹-le⁴ c⁷ia⁴ tsa² ti¹jna³con³-sa³ nai³-le⁴.

18 To⁴coi³ ni⁴je²-jin² xi³ qui³s⁷e³n⁷ion¹ ti¹tjon²

qui³s⁷e³ts⁷ia⁴cao⁴ nca³ coan³chjen¹, tsa² tsi² cao⁴ njin¹.

19 C⁷ia⁴ nca³ Moisés c⁷oa⁴-s⁷in² qui³nchja⁴ya³j³in³-le⁴ nca³ts⁷i³ cho⁴ta⁴na⁴xi⁴na³nta¹ nca³yi³je³ cjoa⁴ xi³ qui³s⁷e³ne²-le⁴ jo³ tso² cjoa⁴te¹xo³ma³, qui³scoe¹ je² njin¹-le⁴ xi³ ts⁷e⁴ ncha⁴ja⁴?nti¹, c⁷oa⁴ xi³ ts⁷e⁴ cha²to⁴, cao⁴ na³nta¹, cao⁴ ntsja⁴va³rre² xi³ ni² qui³ts⁷i³, cao⁴ ya¹ hisopo, qui³sco³jnti²j³on³ ti⁴je²-ni³ xon⁴, c⁷oa⁴-ti⁴ nca³ts⁷i³ cho⁴ta⁴na⁴xi⁴na³nta¹.

20 Qui³tso²: Je²-vi⁴ njin¹-le⁴ cjoa⁴ xi³ qui³s⁷e³n⁷ion¹ xi³ Ni³na¹ c⁷oa⁴-s⁷in² tsa³c⁷e¹ne²-no³.

21 C⁷oa⁴-ti⁴ qui³sco³jnti²j³on³ cao⁴ njin¹ je² nt⁷ia³na³j³ño³, cao⁴ nca³yi³je³ tso³jmi² xi³ ma³chjen¹ c⁷ia⁴ nca³ ?ya³xcon¹ Ni³na¹.

22 C⁷oa⁴ me³ nca³yi³je³ c⁷oa⁴-s⁷in² ma³tsje³ya³ cao⁴ njin¹, jo³-s⁷in² v⁷e¹ne² je² cjoa⁴te¹xo³ma³. Tsa² tsi² xi¹jten⁴ njin¹, li²coi³ coan⁴ s⁷e⁴ cjoa⁴ni²cha³t⁷a³.

Cristo tsa³cja³a¹xin² je¹-na¹ nca³ qui³tsjoa³t⁷a³ yao³-le⁴

23 Coan³chjen¹, tso²c⁷oa⁴, nca³ coan³tsje³ je² cjoa⁴ xi³ c⁷oa⁴-ti⁴ cji³-ni³ jo³ cji³ xi³ tjio¹ nc⁷a³jmi³. Coan³tsje³ cao⁴ je² cjoa⁴ xi³ c⁷oa⁴s⁷in¹, to⁴nca³ ti⁴je²-ni³ cjoa⁴ xi³ ts⁷e⁴ nc⁷a³jmi³ c⁷oa⁴-s⁷in² coan³tsje³ cao⁴ njin¹ xi³ qui³tsjoa³t⁷a³, xi³ nqui²sa⁴ nta³ cao⁴-ni³ tsa² je²-ve⁴.

24 Nca⁴ tsi² tsa² ja³a³s⁷en³ Cristo ya⁴ ?nte³tsje³ xi³ qui³s⁷e³nta³-ni³ ntsja³ cho⁴ta⁴, xi³ nco³ya²-le⁴ je² ?nte³tsje³ xi³ cjoa⁴qui²xi⁴, to⁴nca³ ya⁴ ja³a³s⁷en³ ti⁴ya⁴ nc⁷a³jmi³-ni³. Ya⁴ va³co¹ yao³-le⁴ nt⁷ai⁴-vi⁴ xi³ t⁷a³tsan⁴2 ya⁴ nqui³xcon⁴ Ni³na¹.

25 A³li²coi³ ja³a³s⁷en³ nca³ ncjin² c⁷a³ tsjoa¹t⁷a³ ti⁴je²-ni³ yao³-le⁴, jo³-s⁷in² nca³ je² na⁴mi³ti¹tjon² fa³a³s⁷en³ ya⁴ nte³tsje³ nca³ jnco¹jnco¹ no¹ cao⁴ njin¹ xi³ ts⁷e⁴ xi³ cja⁴ai¹.

26 Tsa² c⁷oa⁴-la²ni³ tjin¹, coan³chjen¹ nca³ ncjin² c⁷a³ tsa³cja³a¹ cjoa⁴ñ⁷ain³ Cristo sa³nta³ nca³ qui³s⁷e³nta³ son³nte³, to⁴nca³ nt⁷ai⁴ nca³ je³je³t⁷a³ je² ni⁴čhjin³-vi⁴, to⁴jnco³ c⁷a²-ni¹ ntia³ tsa³ca³co¹ yao³-le⁴, jme¹-ni³ nca³ tsa³cja³a¹xin²-si¹ni³ je² je¹ nca³ qui³tsjoa³t⁷a³ yao³-le⁴.

27 To⁴jo³-s⁷in² nca³ tjin¹-ni³ nca³ jnco³ c⁷a² vi³ya³ cho⁴ta⁴, c⁷oa⁴ coan⁴scan³-ni³ s⁷e⁴nta³j³in³-le⁴ cjoa⁴.

28 C⁷oa⁴-ti⁴s⁷in²ni³ Cristo to⁴jnco³ c⁷a² qui³ts⁷ai²t⁷a³, nca³ tsa³c⁷a³ je² je¹-le⁴ xi³ ts⁷e⁴ xi³ ncjin² ma³-ni³. Xi³ ma³jao²-ni³ c⁷a³ Cristo coan⁴tsen³-le⁴ je² xi³ co³ya³-le⁴, a³li²coi³ nca³ ti⁴c⁷oa⁴-ni³ je¹, to⁴coi³ nca³ c⁷oa⁴sje³ntjai².

10

1 Je² cjoa⁴te¹xo³ma³ tjin¹-le⁴ to⁴nc⁷ian¹-le⁴ je² cjoa⁴nta³ xi³ cjoa⁴ai¹, a³li²coi³ ti⁴je² soa³-ni³ je² cjoa⁴-ve⁴. Je² cjoa⁴te¹xo³ma³ ni⁴c⁷ia³-jin² ma³-le⁴ nca³ si¹jnco³ je² xi³ c⁷oa⁴-s⁷in² vi³ncha³čhian³-le⁴, xi³ tsjoa¹t⁷a³cji³t⁷a³ ti⁴coi³-ni³ njin¹ nca³ jnco¹jnco¹ no¹.

2 Tsa² c⁷oa⁴-s⁷in² coan³, li²coi³ ti⁴qui³tsjoa³t⁷a³-ni³ tsa²cai³, nca⁴ je² xi³ c⁷oa⁴-s⁷in² tsa³ve³xcon¹, li²coi³ ti⁴qui³si³cja³ai³tsjen³-ni³ xi³ t⁷a³ts⁷e⁴ je¹, tsa²cai³, nca³ ña³qui³ ntia³ coan³tsje³.

3 To⁴nca³ je² njin¹ xi³ s⁷e³jten⁴, xi³ tsjoa¹t⁷a³, si¹cja³ai³tsjen³j³in³ je² je¹ nca³ jnco¹jnco¹ no¹.

4 Nca⁴ je² njin^{1-le4} toro, c⁷oa⁴ xi³ ts⁷e⁴ cha²to⁴ li²coi³ ma^{3-le4} fa³⁷a¹xin² je² je¹.

5 To⁴coi³ c⁷ia⁴ nca³ Cristo ja³⁷a³s⁷en³ i⁴ son³⁷nte^{3-vi4}, qui³tso²: Je² cjoa⁴tjao² cao⁴ njin¹ xi³ s⁷e³jten⁴ xi³ v⁷ai²t⁷a³ li²coi³ coan³me^{3-li2}, to⁴je² yao^{3-na4} tsa³c⁷e²jna³ntai³.

6 Cjoa⁴tjao² xi³ qui³ti²yi³je³, c⁷oa⁴ cjoa⁴tjao² xi³ t⁷a³ts⁷e⁴ cjoa⁴ts⁷en⁴ li²coi³ qui³sa³sen^{3-ta3}coin²³.

7 C⁷ia⁴ qui³xian³: Ni³na¹, i⁴ je²⁷e^{4-vi4}, jme¹⁻ⁿⁱ³ nca³ c⁷oa⁴s⁷in^{3-si1}nia³ jo^{3-s7}in² nca³ me^{3-li2}, jo^{3-s7}in² nca³ tji¹t⁷a³ xi³ t⁷a³ts⁷an⁴ ya⁴ xon⁴ xi³ cjo³xco¹ya³.

8 C⁷ia⁴ nca³ ti¹tjon² c⁷oa⁴qui³tso²: Cjoa⁴tjao² cao⁴ njin¹ xi³ s⁷e³jten⁴ xi³ v⁷ai²t⁷a³, c⁷oa⁴ cjoa⁴tjao² xi³ qui³ti²yi³je³, c⁷oa⁴ cjoa⁴tjao² xi³ t⁷a³ts⁷e⁴ cjoa⁴ts⁷en⁴ li²coi³ coan³me^{3-li2}, ni⁴ qui³sa³sen^{3-ta3}con²jⁱⁿ². (Je² tso³jmi^{2-ve4} xi³ v⁷ai²t⁷a³ jo^{3-s7}in² v⁷e¹ne² cjoa⁴te¹xo³ma³.)

9 C⁷ia⁴ qui³tso²: Ni³na¹, i⁴ je²⁷e^{4-vi4}, jme¹⁻ⁿⁱ³ nca³ c⁷oa⁴s⁷in^{3-si1}nia³ jo^{3-s7}in² nca³ me^{3-li2}. Fa³⁷a¹xin² je² xi³ ti¹tjon², jme¹⁻ⁿⁱ³ nca³ si⁴²c⁷e¹jna³nta^{3-si1}ni³ xi³ ma³jao²⁻ⁿⁱ³.

10 C⁷oa^{4-s7}in² coan³me^{3-le4} Ni³na¹ nca³ tsje³ coan^{3-nia1} xi³ to⁴⁷a³ts⁷e⁴ je² yao^{3-le4} Jesucristo xi³ qui³ts⁷ai²t⁷a³, nca³ to⁴jnc³ c⁷a² ntia³ c⁷oa^{4-s7}in² coan³.

11 Nca³ts⁷i³ na⁴⁷mi³ vi³ncha³t⁷a³ xa^{1-le4} nca³ nchaon³nchaon³ nca³ ncjin² c⁷a³ tsjoa¹t⁷a³ cjoa⁴tjao² xi³ ti⁴coi³⁻ⁿⁱ³ xi³ ni⁴c⁷ia³-jin² ma^{3-le4} fa³⁷a¹xin² je¹.

12 To⁴nca³ je² Jesucristo, c⁷ia⁴ nca³ ntia³ qui³tsjoa³t⁷a³ to⁴jnc³ cjoa⁴tjao² xi³ t⁷a³ts⁷e⁴ je¹,

tsa³c⁷e²jna³t⁷a³ ntsja³ nca³qui²xi⁴-le⁴ Ni³na¹.

13 Ti¹co³ya³-sa³ sa³nta³ je² co²ntran⁴-le⁴ ya⁴ coa⁴tio⁴nqui³ jo³-ni³ tsa² ya¹ xi³ vi³ncha¹ne² ntso⁴co⁴.

14 Cao⁴ xi³ to⁴jnc³ cjoa⁴tjao² xi³ ntia³ qui³tsjoa³t⁷a³, c⁷oa⁴-s⁷in² ntia³ qui³si³jnc³ nca³ntsjai² je² xi³ ma³tsje³.

15 C⁷oa⁴-ti⁴ je² Espíritu Santo tsjoa¹-na¹ en¹-le⁴, nca⁴ coan³scan³-ni³ nca³ qui³tso²:

16 Coan³scan³-ni³ nca³ je² ni⁴čhjin³-ve⁴, je² cjoa⁴-vi⁴ c⁷oe³nta³coa⁴ cao⁴ je², tso² je² Nai³-na¹: C⁷oe³jna²jian³ ni⁴ma⁴-le⁴, c⁷oa⁴ squi³t⁷a³ ja⁴j³ cjoa⁴fa³ai³tsjen³-le⁴ cjoa⁴te¹xo³ma³-na⁴,

17 c⁷ia⁴ qui³tso²son²: Ni⁴c⁷ia³-jin² ti⁴cjoa⁴ai¹tsjen³jin³-ni³na³ je¹-le⁴, c⁷oa⁴ cjoa⁴ts⁷a³ntjai²cjoa⁴-le⁴.

18 Jña³ nca³ tj¹in¹ cjoa⁴ni²cha³t⁷a³ xi³ t⁷a³ts⁷e⁴ je²-vi⁴, li²coi³ ti⁴tj¹in¹-ni³ cjoa⁴tjao² xi³ t⁷a³ts⁷e⁴ je¹.

19 C⁷oa⁴-s⁷in² nts⁷e³ tj¹in¹-na¹ nte³ nca³ coi⁴tja¹s⁷en³² ya⁴ nte³tsje³ xi³ to⁴t⁷a³ts⁷e⁴ njin¹-le⁴ Jesucristo,

20 xi³ to⁴t⁷a³ts⁷e⁴ je² ntia⁴² xi³ cho⁴tse⁴ xi³ to⁴jnc³ cao⁴ Jesucristo ma³nquian¹, xi³ qui³sco³x⁷a¹⁷nte³ ti¹tjon² Cristo, xi³ to⁴t⁷a³ts⁷e⁴ je² na³jño³ xi³ tjen⁴jcho³, xi³ coi³ xi³ tso²-ni³ ja⁴t⁷a³ts⁷e⁴ yao³-le⁴.

21 C⁷oa⁴ tj¹in¹-na¹ jnc³ na⁴mi³ xi³ tse³ nca³n⁷ion¹ tj¹in¹-le⁴, xi³ va³te¹xo³ma³ nt⁷ia³-le⁴ Ni³na¹.

22 To⁴coi³ coi⁴ncha³čhian³-nia¹ nca³ tji¹qui²xi⁴ ni⁴ma⁴-na¹, nca³ n⁷ion¹ tji¹jnc³-ta³coan³², nca³ ña³qui³ nta³ ma³cjain¹-na¹, nca³ je² ni⁴ma⁴-na¹ je³coan³tsje³ t⁷a³ts⁷e⁴ cjoa⁴fa³ai³tsjen³ xi³ ts⁷en⁴

nca³ tsa³c⁷e¹jten⁴jon³ jo³-ni³ na³nta¹, c⁷oa⁴ nca³ qui³sa³ne²jon³ yao³-na¹ cao⁴ na³nta¹ xi³ tsje³.

23 Coi⁴ntoa⁴n⁷ioan¹ cjoa⁴ni²qui²xi⁴ya³-na¹ xi³ t⁷a³ts⁷e⁴ xi³ cho³ya²-le⁴², nca³ tsi² tj¹in¹jen³ tj¹in¹cja¹ cjoa⁴fa³⁷ai³tsjen³-na¹, nca⁴ Ni³na¹ xi³ qui³tsjoa³-na¹ ts⁷oa³, ña³qui³ tji¹con³ nca³ si¹jnc³.

24 C⁷oa⁴ si⁴cja³⁷ai³tsjen³j¹in³-nia¹ xi²nquia⁴² nca³ jnc¹o¹jnc¹oa¹, nca³ si⁴n⁷ion¹j¹ian³² xi²nquia⁴², nca³ s⁷e⁴-na¹ j¹oa⁴tjao²cha³, c⁷oa⁴ nca³ c⁷oa⁴s⁷ian⁴² xa¹ xi³ nta³.

25 Li²coi³ si⁴c⁷e¹jna³² nca³ coan⁴ña³², jo³-s⁷in² nca³ tj¹in¹ c⁷a³ xi³ c⁷oa⁴-s⁷in² ma³nca³-le⁴, to⁴nca³ c⁷oe¹ne²-le⁴² xi²nquia⁴², to⁴nqui²sa⁴ c⁷oa⁴s⁷iaon⁴³ jo³-s⁷in² nca³ jchao⁴³ nca³ je² ni⁴čhjin³-ve⁴ nčhoa¹čhian³.

A³li² coi⁴jnchi¹-jian² je¹ c⁷ia⁴ nca³ je³tjin¹-na¹ cjoa⁴fa³⁷ai³tsjen³ xi³ cjoa⁴qui²xi⁴.

26 Tsa² c⁷oa⁴-s⁷in² tj¹in¹-ta³coan³² nca³ coi⁴jncha¹ je¹ scan³-ni³ nca³ je³tjin¹-na¹ cjoa⁴fa³⁷ai³tsjen³ xi³ cjoa⁴qui²xi⁴, li²coi³ ti⁴s⁷e³jna³-ni³ njin¹ xi³ s⁷e³jten⁴ xi³ v⁷ai²t⁷a³ xi³ t⁷a³ts⁷e⁴ je¹,

27 to⁴nca³ cho³ya²-le⁴² cjoa⁴ñ⁷ain³ xi³ xcon¹ tj¹in¹, c⁷oa⁴ je² xi³ ña³qui³ cjoa⁴jti³ xi³ cao⁴ l⁷i¹, xi³ c⁷oa⁴-s⁷in² si⁴²cje³jco³ je² xi³ co²ntran⁴-le⁴.

28 Je² xi³ ch⁷ao³-s⁷in² ve³con³ je² cjoa⁴te¹xo³ma³ xi³ ts⁷e⁴ Moisés, vi³ya³ xi³ to⁴t⁷a³ts⁷e⁴ en¹-le⁴ xi³ jao² xi³ jan² testigo, nca³ tsi²jme³ cjoa⁴ma⁴ta³con² xi³ tj¹in¹.

29 Jo¹-s⁷in² ni²cja³⁷ai³tsjaon³ nca³ jon², a³ tsi² tsa² nqui²-sa⁴ tse³ cjoa⁴ñ⁷ain³ va³quin²-le⁴ je² xi³ va³sen²ne² je² n⁷nti¹-le⁴ Ni³na¹, c⁷oa⁴ xi³ si¹cja³⁷ai³tsjen³ nca³ jnti¹ cjoan³ je² njin¹ xi³ ts⁷e⁴

cjoa⁴ xi³ qui³s⁷e³n⁷ion¹, coi³ njin¹ xi³ qui³si³tsje³
nca³ je², c⁷oa⁴ xi³ ch⁷ao³ tso²-le⁴ je² Espíritu Santo
xi³ tjin¹-le⁴ cjoa⁴nta³.

³⁰ya³-nia¹ je² xi³ qui³tso²: An³ xi³ si³jnta²³, an³ xi³
c⁷oe³chja¹³, tso² je² Nai³-na¹. C⁷oa⁴ nqui²jnc³c⁷a²
qui³tso²: Je² Nai³-na¹ tsjoa¹-le⁴ cjoa⁴ñ⁷ain³ je²
na⁴xi⁴na³nta¹-le⁴.

³¹Xcon¹-ni¹ nca³ sca⁴ya² ntsja³ Ni³na¹ xi³
ti¹jna³con³.

³²To⁴nca³ ca²ta³fa³⁷ai³tsjen³j³in³-ni³no³ ni⁴čhjin³
xi³ ja³⁷a³to³, coan³scan³-ni³ nca³ coan³⁷i³sen³-no³,
c⁷ia⁴ nca³ c⁷oa⁴-s⁷in² qui³ni²cjain¹-lao⁴³ cjoa⁴si³ xi³
n⁷ion¹ tse³, nca³ qui³chja³⁷ao²³ cjoa⁴ñ⁷ain³.

³³Cjoa⁴qui²xi⁴-ni¹, sa³c⁷oa⁴ ch⁷ao³ qui³no²cjoa⁴-
no³ nqui³xcon⁴ na⁴xi⁴na³nta¹, c⁷oa⁴ cjoa⁴ñ⁷ain³
qui³si³cja³⁷a¹-no³, c⁷oa⁴ sa³c⁷oa⁴ coan³mi²yo⁴-no³
nca³ jon² je² xi³ c⁷oa⁴-ti⁴s⁷in² ch⁷ao³ qui³ni²cao⁴.

³⁴C⁷oa⁴-ti⁴ jon² coan³ma⁴chao³ je² xi³ tjio¹
cjoa⁴ñ⁷ain³, c⁷oa⁴ c⁷ia⁴ nca³ qui³ni²che¹-no³ je²
tso³jmi²-no³, qui³chjoao¹³ cjoa⁴ñ⁷ain³-ve⁴ cao⁴
cjoa⁴tsjoa³, nca³ tsa³⁷yao³ nca³ tjin¹-no³ tso³jmi² xi³
nqui²sa⁴ nta³ ya⁴ nc⁷a³jmi³, c⁷oa⁴ xi³ s⁷e³jna³ntsjai²-
no³.

³⁵A³li² ni²cha³-jion²³ tso²c⁷oa⁴ xi³ nta³ n⁷ion¹t⁷a³-
ta³con²³, je² xi³ tse³ chji¹-le⁴.

³⁶Nca³ jon² ma³chjen¹-no³ nca³ jcho¹cjoa⁴j³in³-
no³, jme¹-ni³ nca³ coi⁴njen⁴-si¹ni³no³ je²
cjoa⁴ni²s⁷e³nqui³, c⁷ia⁴ nca³ je³qui³ni²tjo³son²³ jo³-
s⁷in² nca³ me³-le⁴ Ni³na¹.

³⁷Nqui²jnc³tjo²-la²ni³, je² xi³ cjoa⁴⁷ai¹, cjoa⁴⁷ai¹-
ni¹, c⁷oa⁴ li²coi³ coan⁴tse³ya³-le⁴.

³⁸Nt⁷ai⁴ je² xi³ cho⁴ta⁴cjoa⁴qui²xi⁴ c⁷oe⁴²jna³con³-

ni¹ xi³ to⁴t⁷a³ts⁷e⁴ nca³ ma³cjain¹-le⁴, to⁴nca³ tsa² coa⁴sen⁴t⁷a³xin², li²coi³ sa³sen¹-le⁴ ni⁴ma⁴-na⁴.

39 To⁴nca³ ña¹ li²coi³ c⁷oa⁴cjoan³² nca³ vi³ncha³t⁷a³xian², nca³ cha⁴². Ña¹ c⁷oa⁴cjoan³² jo³-ni³ je² xi³ ma³cjain¹-le⁴ nca³ coi⁴tjo³ntjai² ni⁴ma⁴-le⁴.

11

Jo³-s⁷in² cjoan³ xi³ ma³cjain¹-na¹

1 Coi³ xi³ ma³cjain¹-na¹, coi³ xi³ nta³ n⁷ion¹t⁷a³-ta³coan³², nca³ cjoa⁴qui²xi⁴ nca³ tjio¹ je² cjoa⁴ xi³ cho³ya²-le⁴², xi³ v⁷e¹jna³cho⁴ya³ t⁷a³ts⁷e⁴ cjoa⁴ xi³ tsi² ma³tsen³.

2 Coi³ nca³ coan³cjain¹-le⁴ je² cho⁴ta⁴jchi¹nca³, qui³ch⁷a²sje³qui²xi⁴ nqui³xcon⁴ Ni³na¹.

3 Coi³ nca³ ma³cjain¹-na¹, ma³cho⁴ya³-na¹ nca³ cao⁴ cjoa⁴te¹xo³ma³-le⁴ Ni³na¹ qui³s⁷e³nta³-ni³ je² son³⁷nte³-vi⁴. C⁷oa⁴-s⁷in² je² xi³ ma³tsen³ qui³s⁷e³nta³-ni³ je² xi³ tsi² tsa² ma³tsen³.

4 Coi³ nca³ coan³cjain¹-le⁴ Abel, je² njin¹ xi³ s⁷e³jten⁴ xi³ qui³tsjoa³t⁷a³-le⁴ Ni³na¹ nqui²sa⁴nta³-ni³ cao⁴-ni³ tsa² cjoa⁴tjao²-le⁴ Caín. To⁴coi³ cjoa⁴ nca³ qui³s⁷e³jna³ en¹ nca³ cho⁴ta⁴cjoa⁴qui²xi⁴ coan³, nca³ Ni³na¹ qui³tsjoa³ en¹ t⁷a³ts⁷e⁴ cjoa⁴tjao²-le⁴. Nta³ tsa² c⁷en³, to⁴jo³ nchja⁴-sa³ nca⁴ coan³cjain¹-le⁴.

5 Coi³ nca³ coan³cjain¹-le⁴ Enoc, qui³n⁷o²sje³xin² i⁴ son³⁷nte³-vi⁴, nca³ tsi² tsa² c⁷en³. Li²coi³ coan³sjai³, nca⁴ Ni³na¹ tsa³c⁷a³sje³xin². To⁴nqui³-ni³ nca³ ji³tjo³xin², qui³s⁷e³jna³ en¹ xi³ t⁷a³ts⁷e⁴ nca³ nta³ qui³s⁷e³con³ Ni³na¹ xi³ t⁷a³ts⁷e⁴.

6 Tsa² tsi² ma³cjain¹-na¹, li²coi³ nta³ s⁷e³con³ Ni³na¹ xi³ t⁷a³tsan⁴². Je² xi³ fa³⁷ai³con³-le⁴ Ni³na¹, ma³chjen¹ nca³ coan⁴cjain¹-le⁴ nca³ ti¹jna³ Ni³na¹, c⁷oa⁴ nca³ Ni³na¹ tsjoa¹ chji¹-le⁴ je² cho⁴ta⁴ xi³ n⁷ion¹ va¹sjai³ nca³ je².

7 Coi³ nca³ coan³cjain¹-le⁴ Noé, c⁷oa⁴ nca³ qui³tsa³cjon³que³, tsa³c⁷e¹nta³ chi³tso³je³. C⁷oa⁴-s⁷in² ji³tjo³ntjai² nca³ts⁷i³ cho⁴ta⁴ni³⁷ya³-le⁴, nca⁴ c⁷oa⁴-s⁷in² to⁴nqui³-ni³ tsa³c⁷in²ya³-le⁴ xi³ t⁷a³ts⁷e⁴ cjoa⁴ xi³ cje³ ma³tsen³-jin²sa³. To⁴coi³ nca³ c⁷oa⁴-s⁷in² coan³cjain¹-le⁴ Noé, tsa³ca³co¹ nca³ tsa³quin²-le⁴ cjoa⁴ñ⁷ain³ cho⁴ta⁴son³⁷nte³, c⁷oa⁴-s⁷in² tsa³c⁷ai²cjoa⁴tjao²-le⁴ cjoa⁴qui²xi⁴, xi³ s⁷e⁴-na¹ nca³ ma³cjain¹-na¹.

8 Coi³ nca³ coan³cjain¹-le⁴ Abraham, c⁷ia⁴ nca³ qui³no²cjoa⁴-le⁴, qui³si³tjo³son² nca³ ji³tjo³ sa³⁷nta³ ya⁴ ⁷nte³ xi³ c⁷oa⁴-s⁷in² c⁷oai⁴cjoa⁴tjao²-le⁴. C⁷oa⁴ ji³tjo³ nca³ tsi² tsa² tsa³ve³ jña³-ni³ve⁴.

9 Coi³ nca³ coan³cjain¹-le⁴, tsa³c⁷a³mjen³son² ya⁴ na³nqui³ xi³ qui³ni²s⁷e³nqui³-le⁴ jo³-ni³ tsa² na³nqui³ xi³ qui³ni²quin³ya³-le⁴, c⁷oa⁴ nt⁷ia³na³jño³ tsa³c⁷e²jna³nqui³ cao⁴ Isaac cao⁴ Jacobo. Ti⁴coi³-ni³ cjoa⁴tjao² xi³ qui³ni²s⁷e³nqui³-le⁴ Isaac, Jacobo, cao⁴ Abraham.

10 Nca⁴ qui³sco³ya²-le⁴ je² na⁴xi⁴na³nta¹tse³-ve⁴ xi³ tjin¹-le⁴ čhjao¹ja⁴ma⁴, jña³-le⁴ xi³ ti⁴je²-ni³ Ni³na¹ tsa³c⁷e¹nta³, c⁷oa⁴ qui³si³nta³.

11 Coi³ nca³ coan³cjain¹-le⁴, c⁷oa⁴-ti⁴ ti⁴je²-ni³ Sara, nca³ je³ja³⁷a³to³-le⁴ ni⁴čhjin³ nca³ s⁷e⁴-le⁴ xti³, qui³s⁷e³-le⁴ nca³n⁷ion¹ nca³ coan³-le⁴ tsa³c⁷e¹ ⁷nti¹. Sara qui³sco³son²-le⁴ nca³ Ni³na¹ ña³qui³

tjin¹qui²xi⁴con³ c⁷ia⁴ nca³ qui³si³s⁷e³nqui³-le⁴ jnco³
²nti¹.

12 Nta³ tsa² to⁴jnco³ ma³-ni³ Abraham, c⁷oa⁴ je²
jo³-ni³ tsa² c⁷en³, qui³s⁷e³-le⁴ ntje⁴ xi³ ncjin² ma³-
ni³ jo³-ni³ ni³ño³-le⁴ nc⁷a³jmi³, jo³-ni³ tso⁴mi¹ xi³
tjio¹ntai³-le⁴ nta¹chi³con³ xi³ tsi² ma³xqui⁴.

13 To⁴jo³ coan³cjain¹-le⁴ c⁷ia⁴ nca³ c⁷en³ nca³ts⁷i³
je²-vi⁴. Li²coi³ qui³scoe¹ je² cjoa⁴ni²s⁷e³nqui³,
to⁴cjin³ qui³sco²tsen³-ni³le⁴, c⁷oa⁴ coan³tsjoa³-le⁴
jo³-ni³ tsa² qui³c⁷a¹ya³ntia³. Qui³si³qui²xi⁴ya³ nca³
to⁴tsa³c⁷a³mjen³son² i⁴ son³⁷nte³-vi⁴ nca⁴ xin² ⁷nte³-
le⁴.

14 Je² xi³ c⁷oi⁴tso² je²-vi⁴, ña³qui³ tso²ya³tsen³-ni¹
nca³ va¹sjai³ jnco³ ⁷nte³ xi³ ña³qui³ ts⁷e⁴.

15 Tsa² ja³⁷ai³tsjen³-la²ni³le⁴ xi³ ts⁷e⁴ ⁷nte³ jña³
nca³ ji³tjo³-ni³, cjoa⁴qui²xi⁴ qui³tjo³⁷nte³-le⁴ nca³
qui³si³c⁷o¹fa³ya³-ni³.

16 To⁴nca³ qui³tjen⁴nqui³-le⁴ xi³ nqui²sa⁴ nta³
tjin¹, coi³ xi³ tso²-ni³, je² xi³ ts⁷e⁴ nc⁷a³jmi³. C⁷oa⁴-
s⁷in² Ni³na¹ li²coi³ ma³soa³-le⁴ nca³ c⁷oa⁴⁷mi²-
le⁴ Ni³na¹-le⁴ xi³ ts⁷e⁴, nca⁴ tsa³c⁷e¹nta³-le⁴ jnco³
na⁴xi⁴na³nta¹.

17 Coi³ nca³ coan³cjain¹-le⁴ Abraham,
qui³tsjoa³⁷a³ Isaac, c⁷ia⁴ nca³ c⁷oa⁴-s⁷in²
qui³cho²t⁷a³. Je² xi³ qui³scoe¹tjao² cjoa⁴ni²s⁷e³nqui³,
qui³tsjoa³⁷a³ ⁷nti¹-le⁴ xi³ to⁴jnco³ je².

18 c⁷oa⁴-s⁷in² tsa³c⁷in²-le⁴ Abraham: Xi³
to⁴t⁷a³ts⁷e⁴ Isaac c⁷oa⁴-s⁷in² c⁷oai⁴-li² ntje⁴ xi³ y⁷a³
jan³⁷ain¹-li⁴.

19 Qui³sco³son²-ni³le⁴ Abraham nca³ Ni³na¹ coan⁴-
le⁴ si⁴²cja³⁷a¹ya³-ni³le⁴ cho⁴ta⁴, nta³ tsa² je³c⁷en³.
C⁷oa⁴-s⁷in² qui³scoe¹ Isaac nqui²jnco³c⁷a²-ni³, jo³-ni³

tsa² nco³ya³-le⁴ xi³ je³c⁷en³.

20 Coi³ nca³ coan³cjain¹-le⁴ Isaac, qui³si³chi³con³t⁷ain³ Jacobo cao⁴ Esaú, xi³ t⁷a³ts⁷e⁴ cjoa⁴ xi³ cjoa⁴ai¹.

21 Coi³ nca³ coan³cjain¹-le⁴ Jacobo, c⁷ia⁴ nca³ je³ti¹vi³ya³, qui³si³chi³con³t⁷ain³ nca³ jnco¹jnco¹xti³-le⁴ José, c⁷oa⁴ tsa³ve³xcon¹ Ni³na¹ nca³ tsa³ca³sen²xcon¹nch⁷in³ tsa³cja³jten²t⁷a³ ya¹ni³se³-le⁴.

22 Coi³ nca³ coan³cjain¹-le⁴ José, c⁷ia⁴ nca³ je³ti¹vi³ya³, tsa³c⁷e¹ya³ na⁴jmi¹ jo³-s⁷in² coi⁴tjo³xti³-le⁴ Israel, c⁷oa⁴ qui³tsjoa³ cjoa⁴te¹xo³ma³ xi³ t⁷a³ts⁷e⁴ni³nta³-le⁴.

23 Coi³ nca³ coan³cjain¹-le⁴ xi³jcha¹-le⁴ Moisés, c⁷ia⁴ nca³ qui³tsin³ Moisés, jan² sa¹ qui³si³c⁷e¹jna³ma³, nca⁴ tsa³ve nca³ na⁴sca¹ cji³ je² n⁷ti¹-ve⁴, c⁷oa⁴ li²coi³ qui³tsa³cjon¹-le⁴ cjoa⁴te¹xo³ma³-le⁴ je² cho⁴ta⁴ti¹tjon².

24 Coi³ nca³ coan³cjain¹-le⁴ Moisés, c⁷ia⁴ nca³ je³jchi¹nca³, coan³cai³-le⁴ nca³ c⁷oa⁴tsa³c⁷in²-le⁴ ti³-le⁴ tso²ti³-le⁴ Faraón.

25 To⁴sa³ tsa³cja³a¹j³in³ nca³ tsa³cja³a¹ cjoa⁴n⁷ain³ cao⁴ cho⁴ta⁴-le⁴ Ni³na¹, nca⁴ li²coi³ tsa³cja³a¹j³in³ nca³ coan³me³con³ cjoa⁴tsjoa³-le⁴ je¹ xi³ to⁴fa³a³to³.

26 Qui³sco³son²-ni³le⁴ nca³ nqui²sa⁴ chji¹-le⁴ cjoa⁴ nca³ qui³no²cjoa⁴aon³-ni³le⁴ t⁷a³ts⁷e⁴ Cristo cao⁴-ni³ tsa² je² cjoa⁴nchi⁴na¹ xi³ ts⁷e⁴ ya⁴ Egipto, nca⁴ qui³sco³ya³ je² chji¹-le⁴ Ni³na¹.

27 Coi³ nca³ coan³cjain¹-le⁴, ji³tjo³-ni³ ya⁴ Egipto. Li²coi³ qui³tsa³cjon¹-le⁴ cjoa⁴jti³-le⁴ cho⁴ta⁴ti¹tjon², nca⁴ qui³si³n⁷ion¹j³in³ yao³-le⁴ jo³-ni³ tsa² xi³

ti¹co³tsen³-le⁴ xi³ tsi² ma³tsen³.

28 Coi³ nca³ coan³cjain¹-le⁴, ts²a³sje³ s²oi¹ pa²xco⁴ njin¹ xi¹jten⁴jon³, jme¹-ni³ nca³ je² a²ncje⁴ xi³ qui³si³c²en³ ²nti¹tjon² li²coi³ si⁴cao⁴-si¹ni³ je² xti³-le⁴ Israel.

29 Coi³ nca³ coan³cjain¹-le⁴ je² cho⁴ta⁴ Israel, ja³a³jin³ je² nta¹chi³con³ xi³ ni² ²mi², jo³-ni³ na³nqui³qui³xi². C²ia⁴ nca³ je² cho⁴ta⁴ Egipcios qui³sco²t²a³ nca³ ja³a³jin³, ya⁴ qui³cha³nqui³nta¹.

30 Coi³ nca³ coan³cjain¹-le⁴, qui³tsao³jen³ je² xjao¹lao⁴ xi³ ncha³ntai³-le⁴ ya⁴ Jericó c²ia⁴ nca³ tsa³c²e²ma³ntai³-le⁴ ña³to³ ni⁴čhjin³.

31 Coi³ nca³ coan³cjain¹-le⁴ Rahab, je² chjon⁴²cha³jnqui³, li²coi³ to⁴jnc³ qui³cha³ cao⁴ xi³ tsi² ma³cjain¹-le⁴, c²ia⁴ nca³ to⁴i³nta³nch²an¹ qui³tsjoa³-le⁴ ²nte³ je² cho⁴ta⁴-le⁴ Ni³na¹ xi³ ji³cho² co³tsen³che¹.

32 C²oa⁴ jme¹-sa³ xi³ xian¹³, nca⁴ ni⁴čhjin³ cha³-sa³na³ nca³ c²oe³na⁴jmia¹³ xi³ t²a³ts²e⁴ Gedeón, xi³ t²a³ts²e⁴ Barac, xi³ t²a³ts²e⁴ Sansón, xi³ t²a³ts²e⁴ Jefe², xi³ t²a³ts²e⁴ David, xi³ t²a³ts²e⁴ Samuel, c²oa⁴ xi³ t²a³ts²e⁴ je² cho⁴ta⁴ xi³ qui³nchja⁴ya³ t²a³ts²e⁴ Ni³na¹.

33 Coi³ nca³ coan³cjain¹-le⁴, qui³si³qui³njen³ ²nte³, tsa³c²e¹ne² xi³ cjoa⁴qui²xi⁴, ji³cho¹tjen⁴nqui³ xi³ qui³ni²s²e³nqui³, tsa³c²e¹chjoa² ts²oa³ xa³,

34 qui³si³cji³ts²ao³ nca³n²ion¹-le⁴ l²i¹, ji³tjo³chi³nca³-ni³le⁴ qui⁴cha⁴ xi³ si⁴c²en³. Nta² tsa² tsin²-le⁴ nca³n²ion¹-jin² yao³-le⁴ qui³s²e³-le⁴ nca³n²ion¹. C²oa⁴-s²in² nqui²sa⁴ ta²ja³ coan³ c²ia⁴ nca³ qui³scan³, qui³si³to³ca³ je² so³nta²do⁴ xi³ xin² ²nte³-le⁴.

35 Je² ya¹nchjin¹ qui³scoe¹ je² c²en³-ve⁴ nca³

ja³⁷a¹ya³-ni³le⁴. Tjin¹ c²a³ xi³ n⁷ion¹ ch²ao³ tjin¹ cjoa⁴ñ⁷ain³ tsa³cja³⁷a¹, nca³ cai³-le⁴ qui³scoe¹ cjoa⁴vi³tjo³ntjai²-le⁴, jme¹-ni³ nca³ si⁴²qui³njen³-si¹ni³ cjoa⁴fa³⁷a¹ya³ xi³ nqui²sa⁴ nta³.

36 Xi³c⁷a³ ja³⁷a³to³ cjoa⁴ñ⁷ain³ nca³ tsa³qui³jno²cha³, c⁷oa⁴ nca³ tsa³ca¹-le⁴, c⁷oa⁴-ti⁴ qui³sa³tio²n⁷ion¹ ja⁴ya³ nto⁴ya¹.

37 C⁷oa⁴-s⁷in² qui³sa³te³-le⁴ la⁴jao⁴, c⁷oa⁴ qui⁴cha⁴ni⁴⁷ño⁴ qui³si³jao²ya³-ni³, ch²ao³ qui³ni²cao⁴, qui³ni²c²en³-ni³ qui⁴cha⁴, tsa³c⁷e²ma³ nca³⁷i⁴ nca³jan¹ nca³ to⁴čhjoa⁴-le⁴ va³rre² cao⁴ xi³ ts⁷e⁴ ti²ntso⁴ tsa³c⁷a³cja¹, yo⁴ma⁴ tsa³ca³tio², n⁷ion¹ tse³ cjoa⁴ñ⁷ain³ qui³s⁷e³-le⁴, c⁷oa⁴ ch²ao³ tsa³⁷ya³ta³con².

38 Je² son³⁷nte³ li²coi³ tsa³quin²-le⁴ cho⁴ta⁴ xi³ c⁷oa⁴ cjoan³. C⁷oa⁴-s⁷in² tsa³c⁷e²ma³t⁷a³xin² ya⁴ n⁷te³t⁷a³xin²t⁷a³, jin³ñ¹, nqui³nqui³jao³, c⁷oa⁴ ya⁴ nca⁴jao⁴ jin³ na³nqui³.

39 Nca³ts⁷i³ je²-vi⁴, nta³ tsa² qui³ts⁷ai²-le⁴ en¹ xi³ t⁷a³ts⁷e⁴ nca³ ñ³qui³ nta³ coan³cjain¹-le⁴, li²coi³ qui³sa³co³-le⁴ je² cjoa⁴ni²s⁷e³nqui³.

40 Ni³na¹ to⁴nqui³-ni³ tsa³c⁷e¹nta³ jnco³ cjoa⁴ xi³ nqui²sa⁴ nta³ xi³ t⁷a³tsan⁴², jme¹-ni³ nca³ tsi² coan⁴jnco³-si¹ni³ nca³ je², tsa² tsian² nca³ ñ¹a¹.

12

Nta³ cho¹tsen³-le⁴² Jesús

1 A³li² to⁴c⁷oa⁴ cji³ ncjin² cho⁴ta⁴ testigo xi³ tjio¹ntai³ jnco³tjo³ntai³-na¹. Coi³ cjoa⁴-vi⁴ nca³ si⁴c⁷e¹jna³ t⁷a³xian² nca³yi³je³ xi³ ai¹, c⁷oa⁴ je² je¹ xi³

si¹ñ²ain³-na¹. To¹ca³-la²nta³² cao⁴ cjoa⁴ts³je²ta³ je²
cjoa⁴to³ca³na⁴cha⁴ xi³ ti¹jna³ nqui³xcoan³².

2 Nta³ cho¹tsen³-le⁴² Jesús, xi³ tjen⁴ ti¹tjon²-
na¹, c²oa⁴ ña³qui³ si¹jnc³ jo³-s²in² ma³cjain¹-na¹.
Qui³cho²cjoa⁴cao⁴-le⁴ cro² xi³ t²a³ts²e⁴ je² cjoa⁴tsjoa³
xi³ qui³s²e³jna³ nqui³xcon⁴, a³li²coi³ qui³si³sin³-le⁴
cjoa⁴soa³. Tsa³c²e²jna³ nca³qui²xi⁴-le⁴ je² ya¹xi²le⁴-
le⁴ Ni³na¹.

3 Jesús xi³ qui³cho²jta²j³in³ cjoa⁴ñ²ain³ c²ia⁴
nca³ cho⁴ta⁴je¹ qui³nchja⁴⁷aon³-le⁴. Nta³
ti⁴cja³⁷ai³tsjen³jion³ xi³ t²a³-ts²e⁴, jme¹-ni³ nca³
tsi² coi⁴jta³-si¹nio³ nca³ coan⁴⁷i³nta³j³in³ ni⁴ma⁴-no³.

4 To⁴jo³ cje³ vi³yo³ta²ja³-jion²³ sa³⁷nta³ nca³ njin¹-
no³ xi¹jten⁴, nca³ vi³xcan³t²ao³ je¹.

5 A³ je³c²oa⁴-s²in² qui³cha³j³in³-no³ jo³-s²in² nca³
v²e¹ne²-no³ xi³ fa¹cao⁴-no³ jo³-ni³ tsa² xi³ cao⁴
xti³-le⁴, nca³ tso²: ?nti¹-na⁴, a³li² taon³-j³in² ?yai³
je² cjoa⁴ni²qui²xi⁴-le⁴ Nai³-na¹, ni⁴ma³⁷i³nta³j³in³-j³in²
c²ia⁴ nca³ je² si¹qui²xi⁴-li².

6 Je² Nai³-na¹ tsjoa¹-le⁴ cjoa⁴ñ²ain³ je² xi³
tsjoa³que³, c²oa⁴ va¹-le⁴ nca³ts²i³ ?nti¹-le⁴ xi³
cjoe¹tjao².

7 Tsa² coi³ cjoa⁴ñ²ain³ ti¹cho¹cjoa⁴cao⁴-no³, Ni³na¹
c²oa⁴-s²in² ve³con³-no³ jo³-ni³ tsa² ?nti¹-le⁴, nca⁴
?ya¹ ?nti¹-ni³ve⁴, xi³ tsi² tsa² n²ai³-le⁴ tsjoa¹-le⁴
cjoa⁴ñ²ain³.

8 To⁴nca³ tsa² xin² ti³yo³-lao⁴³ je² cjoa⁴ñ²ain³-ve⁴
xi³ c²oa⁴-s²in² ts²a³coa⁴-le⁴ nca³ts²i³, c²ia⁴ ?nti¹xin²
nio¹-?ni³, c²oa⁴ li²coi³ ña³qui³ ?nti¹nta³-le⁴ Ni³na¹.

9 Nca³ts²ia³² qui³s²e³-na¹ n²ai³ xi³ ts²e⁴ yao³-na¹
xi³ qui³tsjoa³-na¹ cjoa⁴ñ²ain³, c²oa⁴ tsa³⁷ya³xcoan¹.

A³ tsi² tsa² nqui²sa⁴ nta³ si⁴tjo³son²-si¹ni³le⁴² je²
N⁷ai³-le⁴ ni⁴ma⁴-na¹, c⁷oa⁴ coi⁴yo³choan³².

10 C⁷oa⁴ je² n⁷ai³-na¹ve⁴ xi³ ts⁷e⁴ yao³-na¹,
cjoa⁴qui²xi⁴ to⁴choa³ ni⁴čhjin³ qui³tsjoa³-na¹
cjoa⁴ñ⁷ain³ jo³-s⁷in² nca³ je² qui³sco³son²-le⁴,
to⁴nca³ Ni³na¹ tsjoa¹-na¹ cjoa⁴ñ⁷ain³, jme¹-ni³ nca³
chjoe¹-si¹nia³² cjoa⁴ xi³ nta³ tjin¹, jme¹-ni³ nca³
c⁷oa⁴cao⁴-si¹ni³na¹ nca³ tsje³ coan⁴², jo³-s⁷in² tsje³
cjoan³ nca³ je².

11 Cjoa⁴qui²xi⁴-ni¹, c⁷ia⁴ nca³ s⁷e³ cjoa⁴ñ⁷ain³,
ni⁴jme³-jin² cjoa⁴ñ⁷ain³ xi³ tsjoa¹ cjoa⁴tsjoa³,
to⁴cjoa⁴va³ xi³ tsjoa¹, to⁴-nca³ scan³-ni³
tsjoa¹-le⁴ cjoa⁴qui²xi⁴ xi³ nch⁷an¹ tjin¹ je² xi³
ti¹ni²qui³ncha¹qui²xi⁴.

A³li² coi⁴ncha³t⁷a³xin²-le⁴² cjoa⁴nta³-le⁴ Ni³na¹

12 To⁴coi³ cho¹mi³tjaon⁴³ ntsao⁴³ xi³ tsi² ma³
si¹cjan³, c⁷oa⁴ t⁷ai²nca³n⁷ion¹-lao⁴³ xco¹-no³ xi³ tsi²
ti⁴ma³tin²ya³-ni³.

13 Cho³⁷ai²⁷ntao³ ntia⁴² xi³ qui²xi⁴ xi³ t⁷a³ts⁷e⁴
ntso⁴co³, jme¹-ni³ nca³ je² xi³ chi³⁷nque¹ li²coi³
coa⁴tji³jin³-ni³le⁴ xi¹-ncjin¹ ni³nta³ntso⁴co⁴, to⁴nca³
ca²ta³nta³-ni³.

14 Cao⁴ nca³ts⁷i³ cho⁴ta⁴ ti⁴ncha³tjen⁴nqui³-lao⁴³
cjoa⁴ xi³ nch⁷an¹ tjin¹, c⁷oa⁴ cjoa⁴ xi³ ña³qui³ tsje³
cjoan³. Tsa² tsin² je² cjoa⁴-ve⁴, ni⁴⁷ya³-jin² xi³ scoe⁴
je² Nai³-na¹.

15 Nta³ cho¹tsaon³ nca³ ni⁴⁷ya³-jin² xi³
coa⁴sen⁴t⁷a³xin²-le⁴ cjoa⁴nta³-le⁴ Ni³na¹, c⁷oa⁴
nca³ ni⁴jme³-jin² cjoa⁴jnča³ xi³ cjoa⁴⁷ai¹jin³-no³
xi³ ch⁷ao³-s⁷in² si⁴²ca³tio¹-no³. Xi³ to⁴t⁷a³ts⁷e⁴ je²
cjoa⁴jnča³-ve⁴ ncjin² ma³-ni³ xi³ coan⁴t⁷ain³-le⁴.

16 Ni⁴⁷ya³-jin² xi³ cha³jnqui³ ca²ta³ma³. Nca³ts⁷i³ ca²ta³ve³xcon¹ Ni³na¹. A³li²c⁷oa⁴-jin² ca²ta³s⁷in¹ jo³-ni³ Esaú xi³ to⁴t⁷a³ts⁷e⁴ to⁴jnc³ tso³jmi² xi³ chi³ne³, tsa³ca³te¹na³-ni³ je² tso³jmi² xi³ ts⁷a³cao⁴-le⁴ jo³-ni³ ⁷nti¹tjon².

17 Je³⁷yao³ nca³ coan³scan³-ni³ c⁷ia⁴ nca³ coan³me³-le⁴ nca³ scoe¹ je² cjoa⁴tjao² xi³ ts⁷e⁴, xi³ coi³ cjoa⁴ni²chi³con³t⁷ain³, li²coi³ qui³tjo³⁷nte³-le⁴, nca⁴ li²coi³ ti⁴qui³s⁷e³-ni³le⁴ ⁷nte³ nca³ qui³si³c⁷a³ntjai²ya³ cjoa⁴fa³⁷ai³tsjen³-le⁴, nta³ tsa² c⁷oa⁴-s⁷in² tsa³ca¹sjai³cao⁴nta¹xcon⁴.

18 Jon² li²coi³ ji³cho³ ya⁴ ni³nto³-ve⁴ xi³ coan³ qui³ni²cao⁴, cao⁴je²l⁷i¹ xi³ qui³ti². Jon² li²coi³ ji³cho³ xi³ chon³va³, xi³ chon³ njion², xi³ je² jtsi¹xcon¹,

19 xi³ je² jta⁴-le⁴ čhjao³, xi³ jta⁴-le⁴ en¹ xi³ c⁷oa⁴qui³tso² sa³⁷nta³ je² xi³ qui³nč⁷oe¹-le⁴ tsa³c⁷e¹ts⁷oa³ nca³ tsi² tsa² ti⁴c⁷oa⁴c⁷oin¹-sa³ni³le⁴ cjoa⁴-vi⁴.

20 Nca⁴ tsi² tsa² ti⁴coan³ qui³cho¹cjoa⁴-ni³le⁴ je² xi³ qui³s⁷e³ne². Nta³ tsa² cho⁴, tsa² si⁴²cao⁴ je² ni³nto³, lao⁴ sa⁴te¹-le⁴, a³xo⁴ qui⁴cha⁴ coai⁴s⁷en³cja¹-le⁴.

21 C⁷oa⁴ n⁷ion¹ xcon¹ tj¹in¹ cjoa⁴ xi³ coan³tsen³ sa³⁷nta³ qui³tso² Moisés: To⁴ti²jna⁴xcon¹-nia¹³, c⁷oa⁴ ti²fa³tse¹-nia¹³.

22 To⁴nca³ jon² je³c⁷oa⁴-s⁷in² ji³cho³ ni³nto³ xi³ Sion ⁷mi², c⁷oa⁴ je² na⁴xi⁴na³nta¹-le⁴ Ni³na¹ xi³ ti¹jna³con³, je² Jerusalén xi³ ts⁷e⁴ nc⁷a³jmi³. Jon² ji³cho³ jña³ nca³ ncjin² jmi³ ma³-ni³ a²ncje⁴ xi³ coan³ña³,

23 c⁷oa⁴ jña³ nca³ tjio¹jt¹in¹ je² xi³ ⁷nti¹tjon² xi³ c⁷oa⁴-s⁷in² tjio¹t⁷a³ jan³⁷ain¹-le⁴ ya⁴ nc⁷a³jmi³. Jon²

ji³cho³t⁷a³-lao⁴³ Ni³na¹ xi³ juez t⁷a³ts⁷e⁴ nca³ts⁷i³,
c⁷oa⁴ji³cho³t⁷a³-lao⁴³ je² espíritu-le⁴ cho⁴ta⁴ xi³ tjin¹-
le⁴ cjoa⁴qui²xi⁴ xi³ ña³qui³ coan³jnc³,
24 c⁷oa⁴ji³cho³t⁷a³-lao⁴³ Jesús, je² xi³ v⁷e¹nta³j³-
le⁴ cjoa⁴cho⁴tse⁴ xi³ qui³s⁷e³n⁷ion¹, c⁷oa⁴ je² njin¹ xi³
qui³chjo³jnti²va³jon³, xi³ nqui²sa⁴ nta³ nchja⁴ cao⁴-
ni³ tsa² ts⁷e⁴ Abel.

25 Na²nta³-lao⁴³ nca³ jon², jme¹-ni³ nca³ tsi² tsa²
c⁷oe¹chjoa²⁷a³-si¹nio³ je² xi³ nchja⁴. Tsa² je² xi³c⁷a³
tsi² tsa² coan³ tsa³nca³ c⁷ia⁴ nca³ tsa³c⁷e¹chjoa²⁷a³
je² xi³ qui³nchja⁴ya³ i⁴ son³⁷nte³-vi⁴, nqui²sa⁴
to⁴choa³ coan⁴ coi⁴yoa³² tsa² c⁷oe¹chjoa²⁷a³² je²
xi³ nc⁷a³jmi³ nchja⁴ya³-ni³.

26 Je² jta⁴-le⁴ xi³ c⁷ia⁴ qui³si³tin²ya³ son³⁷nte³,
to⁴nca³ nt⁷ai⁴ qui³tsj³oa³ ts⁷oa³ nca³ tso²: To⁴jnc³
c⁷a²-sa³ an³ ntia³ si³tin²ya³, a³li² to⁴je²-jin² na³nqui³,
to⁴nca³ c⁷oa⁴²-ti⁴ nc⁷a³jmi³.

27 C⁷oa⁴ je² en¹-vi⁴ xi³ tso²: To⁴jnc³ c⁷a²-sa³, ntia³
va³co¹ nca³ coi⁴tjo³xin² je² tso³jmi² xi³ ma³tin²ya³
jo³-ni³ tsa² tso³-jmi² xi³ xa¹ coan³nta³-ni³, jme¹-ni³
nca³ sa⁴tio²-si¹ni³ je² tso³jmi² xi³ tsi² ma³tin²ya³.

28 C⁷oa⁴-s⁷in² nca³ chjoe¹ je² cjoa⁴te¹xo³ma³ xi³
tsi² tsa² ma³tin²ya³, ca²ta³s⁷e³-na¹ cjoa⁴nta³. C⁷oa⁴-
s⁷in² nta³ coan⁴chjen¹-le⁴² t⁷a³ts⁷e⁴ Ni³na¹, jo³-s⁷in²
sa³sen¹con³ nca³ je² nca³ jcon³ cha³², c⁷oa⁴ nca³
xcon¹ jcha⁴².

29 Nca⁴ cjoa⁴qui²xi⁴ je² Ni³na¹-na¹ jo³-ni³ l⁷i¹ ni¹ xi³
si¹cje³jco³-ni³.

13

Coi³ cjoa⁴ xi³ ma³chjen¹ t⁷a³ts⁷e⁴ cho⁴ta⁴-le⁴ Cristo

1 Ca²ta³ma³tsjoa³cha³ntsja²³nts'ao³.

2 A³li² ni²cha³j³in³-jion²³ nca³ c'oa⁴i⁴nte³-lao⁴³ je² xi³ fi³cho¹con³-no³. C'oa⁴-s'in² tj¹in¹ c'a³ xi³ c'oa⁴-s'in² qui³tsjoa³nte³-le⁴ a²ncje⁴, nta³ tsa² tsi² tsa³ve³.

3 Ti⁴cja³ai³tsjen³jion³ je² xi³ cjoa⁴ñ'ain³ tjio¹, jo³-ni³ tsa² c'oa⁴-ti⁴ to⁴jnc³ ti³yo³ cjoa⁴ñ'ain³ cao⁴ je², c'oa⁴ ti⁴cja³ai³tsjen³jion³ je² xi³ ch'ao³ 'ya³ta³con² jo³-ni³ nca³ c'oa⁴-ti⁴ jon² ti³yo³j³in³-sa³lao⁴³ yao³-no³.

4 Nca³ts'i³ ca²ta³ve³xcon¹ je² cjoa⁴vi³xan³, c'oa⁴ je² cjoa⁴-le⁴ a³li² ch'ao³-j³in² ma³, to⁴nca³ je² xi³ si¹cha³jnqui³, c'oa⁴ je² xi³ si¹cha³jnqui³t'a³-le⁴ chjon⁴²-le⁴ a³xo⁴ x'in⁴-le⁴, Ni³na¹ tsjoa¹-le⁴ cjoa⁴ñ'ain³.

5 C'oa⁴-s'in² ti⁴yo³ a³li² cjoa⁴nchi⁴na¹-j³in² ni²me³-ta³con²³. T'e²jnc³-ta³con²³ cao⁴ xi³ je³tj¹in¹-no³, nca⁴ Ni³na¹ c'oa⁴qui³tso²: Li²coi³ xin² coa²te⁴jna³-le²³, ni⁴tsjion³con³-j³in²le²³.

6 C'oa⁴-s'in² nca³ c'oa⁴coi⁴xon¹-nia¹ nca³ n'ion¹-ta³coan³²: Je² Nai³-na¹ xi³ va³sen¹cao⁴-na³, li²coi³ tsa³cjon³-nia¹³. Jme¹ xi³ coan⁴ si⁴²cao⁴-na³ cho⁴ta⁴.

7 Ti⁴cja³ai³tsjen³j³in³-nio³ je² xi³ va¹ntia⁴²-no³, je² xi³ qui³nchja⁴ya³-no³ je² en¹-le⁴ Ni³na¹. Chjen¹nqui³-lao⁴³ jo³-s'in² ma³cjain¹-le⁴, nta³ ti⁴cja³ai³tsjen³jion³ jme³ xi³ qui³sa³co³-le⁴ jo³-s'in² qui³cao⁴ yao³-le⁴.

8 Jesucristo to⁴nco¹son²-le⁴ nco²jña⁴, c'oa⁴ nt'ai⁴, c'oa⁴ nca³ntsja² ni'čhjin³.

9 A³li² v'ai²nte³-j³in²lao⁴³ cjoa⁴fa³ai³tsjen³ xi³ ncjin² ma³-ni³, xi³ cja⁴ai¹nca¹ nca³ xin² fi²cao⁴-no³. Nta³ tj¹in¹ cjoa⁴ nca³ cao⁴ cjoa⁴nta³ v'ai²nca³n'ion¹-le⁴ ni⁴ma⁴-na¹. Li²coi³ v'ai²nca³n'ion¹-le⁴ ni⁴ma⁴-na¹ cao⁴ tso³jmi² xi³ chi³ne³, xi³ tsi² tsa² jme³

chji¹-le⁴ je² xi³ to⁴coi³ tjio¹-ni³.

10 Tjin¹-na¹ jnc³ son²xta². Je² xi³ si¹xa¹ ya⁴³ nt⁷ia³na³jño³ li²coi³ tjin¹-le⁴ ?nte³ nca³ squi⁴ne⁴ je² xi³ ts⁷e⁴ son²xta²-ve⁴.

11 Je² njin¹-le⁴ cho⁴-ve⁴ xi³ v⁷ai²t⁷a³ t⁷a³ts⁷e⁴ je¹ fi²cao⁴s⁷en³ ya⁴ ?nte³tsje³ xi³ to⁴t⁷a³ts⁷e⁴ na⁴⁷mi³ti¹tjon², to⁴nca³ je² yao³-le⁴ cho⁴-ve⁴ ti²t⁷a³xin²-le⁴ ya⁴ ?nte³-ve⁴.

12 To⁴coi³ c⁷oa⁴-ti⁴ Jesús tsa³cja³⁷a¹ cjoa⁴ñ⁷ain³ nti³tsin³ xo⁴ntjoa⁴-le⁴ na⁴xi⁴na³nta¹, jme¹-ni³ nca³ qui³si³tsje³-si¹ni³ je² cho⁴ta⁴na⁴xi⁴na³nta¹ cao⁴ xi³ ti⁴ts⁷e⁴-ni³ njin¹.

13 Cjoin³chon¹-le⁴² tso²c⁷oa⁴ nca³ je² ya⁴ ?nte³t⁷a³xin²-ve⁴, c⁷oa⁴ ch⁷a⁴² cjoa⁴⁷aon³ta³con² xi³ t⁷a³ts⁷e⁴.

14 Nca⁴ tsi² tsa² i⁴ ti¹jna³-na¹ na⁴xi⁴na³nta¹ xi³ ti¹jna³ntsjai², to⁴nca³ fa³sjai³-nia¹ je² xi³ cjoa⁴⁷ai¹.

15 Xi³ to⁴t⁷a³ts⁷e⁴ Jesucristo c⁷oi⁴t⁷a³ntsjai²-le⁴² Ni³na¹ coi³ cjoa⁴tjao² xi³ jo³-ni³ njin¹ xi³ s⁷e³tjen⁴, nca³ nta³ ch⁷a³sje³-nia¹ Ni³na¹, xi³ tso²-ni³, en¹-le⁴ ntso⁴⁷va³² xi³ si¹qui²xi⁴ya³ t⁷a³ts⁷e⁴.

16 A³li² ni²cha³jjin³-jion²³ nca³ nta³ s⁷iaon⁴³, c⁷oa⁴ nca³ coi⁴ncha³cao⁴³ xi³c⁷a³, nca⁴ coi³ cjoa⁴tjao² xi³ sa³sen¹-le⁴ Ni³na¹.

17 Ti⁴tjo³son²-lao⁴³ je² xi³ va¹ntia⁴²-no³, c⁷oa⁴ na³nqui³ ti⁴yo³-lao⁴³ nca³ je², nca⁴ ti⁴je²-ni³ va³tio²con²t⁷ain³ xi³ t⁷a³-ts⁷e⁴ ni⁴ma⁴-no³, nca⁴ tjin¹ne²-le⁴ nca³ tsjoa¹ coi²nta⁴. Ti⁴tjo³son²-lao⁴³ jme¹-ni³ nca³ c⁷oa⁴s⁷in⁴²-si¹ni³ cao⁴ cjoa⁴tsjoa³, nca³ tsi² tsa² cao⁴ cjoa⁴fao¹, nca⁴ je²-vi⁴ li²coi³ jo³-s⁷in² coan⁴chjen¹-no³.

18 T²e²ts⁷oa³ntjai²-na³jin⁴, nca⁴ nta³ ?ya³-

ta³coin²jⁱⁿ nca³ nta³ cjoa⁴fa³⁷ai³tsjen³ tjⁱⁿ1-na³jⁱⁿ4,
nca⁴ me³-na³jⁱⁿ4 nca³ nta³ coa⁴nquin¹coai⁴-jⁱⁿ4
yao³-na⁴jⁱⁿ4 nca³yi³je³ cjoa⁴.

19 C⁷oa⁴ nqui²sa⁴ v⁷e³ts⁷oa²³-no³ nca³ c⁷oa⁴-
s⁷in² s⁷iaon⁴³, jme¹-ni³ nca³ an³ nqui²sa⁴ nti⁴ton⁴
coa²te⁴jna³cao⁴ nqui²jnc³c⁷a²-si¹ni³no³.

Cjoa⁴ni²ti²⁷nta³xi³fe³t⁷a³

20 Je² Ni³na¹ xi³ tsjoa¹ cjoa⁴ xi³ nch⁷an¹ tjⁱⁿ1, xi³
tsa³c⁷a³sje³jⁱⁿ3-ni³le⁴ c⁷en³ Nai³-na¹ Jesucristo, xi³
to⁴t⁷a³ts⁷e⁴ njⁱⁿ1 xi³ ts⁷e⁴ cjoa⁴ xi³ qui³s⁷e³n⁷ion¹
nca³ntsjai². Cjai¹nca³ nta³ co³⁷nta³ va³rre² Jesu-
cristo xi³ n⁷ion¹ je³ya³.

21 Ni³na¹ ca²ta³si¹jnc³cao⁴-no³ nca³yi³je³ xi³ nta³,
jme¹-ni³ nca³ c⁷oa⁴s⁷ian⁴-si¹nio³ jo³-s⁷in² nca³ me³-
le⁴ nca³ je², nca³ si¹xa¹jⁱⁿ3-no³ je² cjoa⁴ xi³ nqui²sa⁴
nta³ sa³sen¹-le⁴ nqui³xcon⁴ nca³ je², xi³ to⁴t⁷a³ts⁷e⁴
Jesucristo. Je²-vi⁴ xi³ ca²ta³s⁷e³-le⁴ cjoa⁴je³ya³ xi³
nca³ntsjai² nca³ntsjai². C⁷oa⁴ ca²ta³ma³.

22 To⁴nca³ v⁷e³ts⁷oa²³-no³ nts⁷e³, nca³
ca²ta³jcho¹cjoa⁴cao⁴-no³ je² en¹ xi³ v⁷e³ne²³-no³,
nca⁴ to⁴choa³ qui³squi³-no³.

23 Ca²ta³⁷yao³ nca³ je² nts⁷e³ Timoteo coan³xan⁴-
ni³le⁴ cjoa⁴ñ⁷ain³. Tsa² je² nti⁴ton⁴ cjoa⁴⁷ai¹, an³
cjo¹co³tsen³-no³ cao⁴ je².

24 Ti⁴ti²⁷ntao³ nca³ts⁷i³ xi³ va¹ntia⁴²-no³, c⁷oa⁴
nca³ts⁷i³ cho⁴ta⁴-le⁴ Cristo. Je² xi³ ts⁷e⁴ Italia
si¹ti²⁷nta³-no³

25 Cjoa⁴nta³ ca²ta³s⁷e³-no³ nca³ts⁷io³ nca³ jon².
C⁷oa⁴ ca²ta³ma³.

Xon⁴-le⁴ ni³na¹ xi³ tʔa³tsʔe⁴ Jesucristo
New Testament in Mazatec, Huautla
(MX:mau:Mazatec, Huautla)

copyright © 1960 Wycliffe Bible Translators, Inc.

Language: Mazatec, Huautla

Translation by: Wycliffe Bible Translators, Inc.

Mazateco, Huautla [mau], Mexico

Copyright Information

© 1960, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, Huautla

© 1960, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

69c7ee6e-d3c3-563f-a672-6ad58122d8ed